


5237.8/7922(14)
C.2

近代詩鈔

十四



近代詩鈔

朱祖謀

祖謀字古微號彊邨浙江歸安人光緒癸未傳臚官至
禮部侍郎

和遠根乞米曲

宣州詩翁恆苦饑索米夢持篆窠歸舉家噉粥癯不肥平原筆
力弩釋機先生研田十年機漑墨一斗鍵其扉臨川三昧熒熒
暉濃鋒蹶豈諸城非赫蹄紙百不供揮璽書增俸疇敢晞月料
半流埒茹薇焉能休糧脫塵鞿道山延閣接太微胡不陳書紫
宸闈胡不曼胡短後衣捷書夜草旄頭飛何爲顛頤幽篁圍乾
愁漫誕不可磯諸公遑辨妃與豨一邱之貉蒙庶幾菜傭求益
來已稀牛鐸黃鐘荒是非枵然者腹負大誹安用陶胡奴纍欵

逝將著鞭驂子駢安吳筆訣絕幾章他年奇字森烟霏

題胡惜仲金光明勝經卷子用若海均

妙伽佗諦絕傳衣花雨香中舊撻扉一逝翩如黃鶴子刺天海水又羣飛

江左一流今日盡詩篇連巷共誰論不如自撥鑪煙坐饒舌豐干已不言

王病山避亂武陵乃其往年備兵地也武陵詩人陳伯弢以書醞相勞苦報賦有句率次元韻奉寄

極天兵火况修途誰謂萍蓬匪定居用意故須憂患外哀吟猶是亂離初新知濡响宜篇翰舊頌流傳尙井廬日夜雙江急東下莫因人事滯音書

瘦公屬題唐道士索洞玄所書一本際經

蠟樣無文墨似豬轉輪真見瘦金書欲知萬物皆芻狗且向迦音訊蝨魚

三洞真靈何好奇銀函金字想見之儒童迦葉不足數我欲配以追魂碑

偕金鞞青過何氏良園

鄉關搖落後君亦杜門偏病脚蘇殘暑澄心落古泉林陰專祗得盤實削瓜圓酒餞非吾事匡床坐晚天

河汲論交晚琴尊間日開興移無屐齒詩罷點牆落機息林香發天清塔影來不須風扇拂真氣辟飛埃

小榜幽人屋新邀過侶懽安巢無越鳥傾橐買花欄綉裘繙逾靜風漪對不寒滄洲吾亦羨無路問漁竿

鄉緒不能理清尊相向悽朗吟蹇士賦苦說碧山棲迴鞞穿林

失炎雲覆蓋低日歸情不愜身外正蒿藜

東阿道中

十日西風未放晴近畿林樾已商聲乍欣紈扇朝朝減却苦秋泥步步生瘦馬羸童從爾嬾烏紗白葛與人清後車儘有鴟夷載翻羨山家種秫成

晚登江亭

薜蒼亦隨人作計暫逃初地洒塵纓嬌春羅綺不挂眼綺閣鶯花空復情殘客未宜苛畔岸清尊政要與將迎悵然欲別無他去醉及街西缺月明

近代詩鈔

蒯光典

光典字禮卿安徽合肥人光緒癸未進士官江蘇淮揚道候補京堂

徐積餘屬題狼山訪碑圖

書塵乙覽始關中畫做歐洪劇小松彷彿承平多韻事且將江

海盪心胸

曾見黃山小松嵩洛訪碑圖卷子丹青筆探碑圖中題

也句

怕說狼山數點青當年信國苦飄零想君擅墨經過處瀕洞狂

瀾不可聽

狼山青數點文信國過賣魚灣詩句

意有未盡再題一律

唐末風塵何擾擾就中佼佼數吳王人非盜賊奸雄輩地畫吳

山楚水長賸有南唐盛文物何須天祚弔興亡披圖不盡蒼茫
意擬泐磨崖十丈強

題李新吾希呂印存

摹印爲繆篆亦列書體八始僅檢詐僞後乃資筆札余生手懸
椎體中無半點數典雖瀾翻騰笑祭魚獺李君示此卷開我兩
眼瞎尉律久榛蕪彼此紛相軋略以近古言技倆亦狡狴文何
趁姿媚陳曼生鄧石如苦熱黜字體尤淆譌偏旁互剗刮太息
諸家譜金鑑不可刮君獨消息之難哉眞憂憂未谷頗精審祭
酒乃鈐轄意匠契隸古體勢盤鴟鴞如探百川源沿溯西極汎
如聚八寶材莊嚴梵王刹餘力偶爲之根柢窮塊坳恥居小生
後奚用郭香察忽忽掩卷憂俯仰自轄礎東川劉夫子諱家蕃萬縣人
同治丁卯銅玉羅缺齧下筆嗜奇古礮體去垢坳沈姬亦健者
本省解元

亡姬沈氏名慧字光窈窕如蘭茁藉藉影梅盃董白慚媼媵遺製
尙在眼所嗟百芳殺譜賸脂粉膩石憐凍腦滑以君澹雅才七
篇通蒼頡更冀傳印人一一歸甄拔

近代詩鈔

張亨嘉

亨嘉字鐵君福建侯官人光緒癸未進士官禮部左侍郎諡文厚有口磐室集

葦灣泛舟

太行擁幽都西北勢一曲濫泉數伏見鬻沸如噴玉瀦之瀏而清不似焦釜沃是時大火中燒野苦炎熇却憶阮公詠來泛蓬池淥侵晨踐游約出門始見旭忽如涉魚齒甚雨驟相屬芰荷相媚嫉鷗鷺互翔浴秧田碧彌望饒衍頗似蜀誰云土疆藥官稻乃冀俗今日曷不樂取醉託醺醪大嚼蓀侯裁間觀東山局勝地足歡娛人事有根觸畏晚攬歸轡落日酷煩溽預約潭柘遊及秋來秉燭

近代詩鈔

張亨嘉

一

一

遊積水潭

白浮導脈城西隅廣源高粱並一渠中間午貫復東注取象銀
漢橫天都名泉十九入御苑却留咫尺容乘桴鐵櫺牖外靈螭
伏洪濤百斛隨奔趨鎮水神祠翼然起積高爲雍真神區怪石
皺瘦古織女老松正直偉丈夫前村後村足魚菜十里五里喧
菰蒲淨業門前最幽勝朝陽璀璨明芙蓉扁舟便入藕花去髻
鬢身在江南圖銀錠橋邊偶信步蒼然山色來平蕪十刹非刹
海非海名從主人聊相呼黃雲市地苦塵鞅到此便擬登瀛壺
勝朝三百六十寺財力半由中涓輸行人指說藜光事貂璫氣
燄嗟可吁當時劉謝競投効茶陵老子殊睽孤西涯西涯在何
許鴻臚祭酒說非誣後來視今猶視昔蓬萊水淺桑田枯我來
六月正逃暑浮瓜雪藕羅盤盂閩都荔子駭新摘登筵未改白

玉膚東海大魚美髻鬢調以醯醢雜臍胸自餘蝦菜各豐旨忘
形賓主爭手斟褸衣甘食一無補雀鼠空耗縣官租辛有之歎
吾知矣伊川被髮毋乃愚共登第一樓頭望仰天幾輩呼烏烏

題吳仲圭水墨山水後

楮千絹八百茲惟元章語至正距今五百秋真本流傳復幾許
有元名者梅沙彌一峰黃鶴爲儔侶畫師能事各臻極尹邢相
還俱千古勝吳勝王徒紛紛此論未公吾不與

吳元畫
勝王故云

谿山深秀曩曾見元氣淋漓璞初剖嚙城尙書老好

盛百熙祭酒題
句云唐畫王勝

事手攜此卷珍瓊瑀蒼蒼莽莽林下風視曩所見猶伯伍山中
一夜雨霏霏杜鵑花開滿洲渚想見濡毫吮墨時中有巨師直
法乳尙書愛畫如愛士傾心結納頗自喜善價豈恡萬黃金但
惜時無右丞與道子

過嚴關

始安山下路迤邐出嚴關自接秦城壯會無蜀道艱前車防合
歹臥楊逼犁軒莫漫輕形勝籌邊識隱患

題端陶齋制府所藏天發神讖舊拓本

討鹵聲威讐魏公會無片石鎮江東可憐青蓋終朝洛却有奇
文與紀功

頌聲每爲昏朝作異瑞恆於閏史呈大帝子孫盡豚犬坐令渾
濬浪成名

周鼓秦碑豈等倫體兼篆籀語何因鰐魚一帖分明在媵媚還
疑出兩人

險麩一紙價連城段石岡頭石已傾千六百年磨劫在深寧何
意禍休明

近代詩鈔

柯逢時

逢時字遜庵湖北武昌人光緒癸未進士官至江西巡
撫

石遺室詩話遜庵工試帖詩其登第詩題爲花開鳥鳴

晨君第三四句云人因花起早天以鳥鳴春一時傳誦

顧晴谷大令餞別牛頭山杜子祠卽席賦二律

城南山勢鬱崔嵬工部祠堂亦壯哉詞賦縱橫開世界川原高
下護樓臺塵封石篆青麀隱酒泛金尊白雁來蕃虜正驕羣盜
劇當時涕淚滿蒿萊

羌村小別無多日杜曲重來定幾時風雨尊前人老大關山笛
裏道倭遲朝班漸喜長安近歸計惟應襄水知爲謝殷勤杯酒

意少陵原上一題詩

近代詩鈔

段朝端

朝端字笏林晚號蔗叟江蘇淮安人有椿花閣詩集

石遺室詩話冒鶴亭告余淮安詩人段蔗叟垂老以脚疾廢然至今年逾八十尙劬學吟詠自娛因寄示其詩集八卷中多感憤時事之作以律詩多用典不知何指故少錄句如那能貧而樂敢謂窮斯濫詞場曳落河石墨特健藥過分黑白兩阿堵不合時宜一肚皮並少秀才爲學究妄將法律作詩書皆雅健

錢唐懷古

金源滅後盟初定入洛師興去不還太息臨安好山水危機第一獨松關

近代詩鈔

段朝端

一

七月鮑紫來以近作見示拈此奉酬兼感近事

清夏四五月曾作胸山游儒冠媿土苴素餐吁可羞民氣頽不揚殷勤詢所由鹽法日刊敝鹵薄花不稠上官急科斂閭左橫戈矛公私互欺蒙誰為前箸籌今讀故人詩惻惻如有憂既痛浮惰習復為耕鑿謀異哉鹽筴中乃有元道州

閻徵君潛邱居士小印打本為王觀卿題

繪就新圖號拜詩濡毫題詠想經師張叔憲為路山夫作禮堂寫定傳誰某記取猩紅押角時

歐舫風流富弄藏印文三字眷西堂司農倒用吾家事滿屋圖

書發古香眷西堂印予從山夫借歸徧印徵君遺著

此石流傳又幾時瓦窰村裏繫人思潛丘今名瓦窰村見太原志評量定出

佳兒手長君復中舍人之工鐵筆王漁洋劇賞之付與身齋早護持此印本藏栢唐師所後贈平定

張石洲

丙舍涇陽久不存風光誰訪學山墩懸知秋日多佳興細竹高

梧拜墓門聞君將有訪墓之舉墓上多竹樹

題張力臣符山堂圖為丁默存作

荒溪敝廬人三个閉戶談經作日課張家兄弟都絕倫符山一堂如斗大主婦具膳方踞閭稚子能文亦入座縹緗秘籍插架富金石遺文塞屋破作書師法追程邈哦詩鬼胆墮李賀江都朱生好畫手圖為朱玉作隱趣一一資敷佐酒鎗茶白工位置想見

伯倡仲叔和門前風景太蕭瑟古柳寒鴉伴窮餓龐眉書客滿賓寮那許高軒搖轡過我昔京洛得遺集同治甲子於京都市

摩抄老眼知無奈丁生爾且慎藏弄題句彪續盡楚些草堂圖

近代詩鈔

段朝端

一一

可配盧鴻袖手須防寒具沅

李審言上海信來許以藏書紀事詩七卷本借讀并賸以
詩次韻奉酬

十年不見李伯紀大患有身病垂死跼蹐不用交頭杖箕踞惟
憑折足几平生癖者在書卷昏眊善忘今老矣海南羣犬吠所
怪黔中神驢技止此新書遮眼許相借古詩入手吁可喜珠還
合浦尚有日璧假許田亦其理君亦假藏先生與我有同好
脫略名利猶敝屣曾聞書淫與書癡那及先生書丐名字美君
以此五兵縱橫裴武庫七略戢香劉中壘支瓶隸事忘寢食拓
鉢沿門徧井里一朝沾丐及貧子譬膏肓鍼廢疾起况復殷勤
勗眠食麗藻迺文一何綺至今金粟舊書樓尚有幾人念鑿齒
懸知宋槧富藏弄空令癡兒出饒水

和吳溫叟感觸舊游悵然有作十一首錄一

冬薦閻潛邱夏祭高蓬州我嘗蝨其間駿奔多朋儔事變一以
至典禮如決疣講堂堆馬通校舍列戈矛羣主束高閣將有薪
爨憂題名卷猶在祀事何時修

依韻和溫叟除夕感懷五首錄一

我愛吳溫叟我思梁蒼立二子雲霞交魚相响以溼一旦山河
改憂世徒雨泣修德琴悒悒論詩筍戢戢奈何歲月逝年俱四
五十譬墮急流中梗偶互於邑何時見清晏慷慨付篇什北望
聲爲吞小碎相掇拾我老不自量妄想編杜集

寒食

七十三歲春過半一百五日花正開紅襟語燕相對立白髮酒

無數來窮漢備甕斯可矣橫吏索錢胡爲哉杜詩普天無會

須暫卸膝蓋骨

見西陽雜俎

持竿獨上韓侯臺

懷田魯漁安慶

我聞田子泰攜家入徐無經營平敞地躬耕成邑都百姓莫統
一立長良所須作法廿餘條約束相刑誅婚姻禮制備講授學
校俱行之三五年威信服一隅阿瞞用其策北征平虜胡奈何
不知人侯封徒區區豈可賣盧龍素心本不渝今君用法結
廬臨江湖買田事墾闢下澗成膏腴築園種杭稻近水栽菰蒲
長林富橘稅方塘收漁租後園傍山脚秋菜平畦鋪行官督伐
木庶以供薪芻四序多暇日讀書稽唐虞亦可哦小詩招邀來
潛夫行同灑西杜不羨陽翟蘇仙源在何許此境猶蓬壺我雖
老且病願作阿段奴况此亂離世道路多榛蕪何必懷故鄉所
居卽夷塗詩書化頑獷耕桑銷萑苻江南與塞北今古皆良圖

卜居計早定急來迎妻孥

病狀

帶圍不覺常移孔臂握時驚小半分直爲衰翁羸病狀苦心只
有沈休文

老人面目頗清腴腰脚皮膚內實麤自笑居麤微且瘡府君到
底不如壺

下牀並不須扶老兩儿攜持自往還游泳盆池魚萬里回旋石
磨馬千山

江都梁蒼立

公約

寄示紀江北災詩依韻奉和

我是江北人老病尙健飯白首遭奇災憂極不暇歎水早已心
惻况乃蝗滋蔓禾稻無子遺田廬付浸灌流亡徧江淮低頭就
魚爛殘黎生意盡有似灰中炭縱橫千百里巧歷那能算萬室

迫饑踣焉得不召亂梁侯念鄉里披衣坐待旦入府治文書一
紙發千萬辦若立務囊救荒與已亂兩事可並案方今國勢弱刷恥
貴果斷誅求不培養經營只得半覆巢無完卵苦口蒙憤喚君
久識此理高吟南山粲長夜何漫漫晦明頃刻判今歲又苦潦
降災天已慣儒生無寸柄故紙聊講貫止溺知未能燎原吁可
憚迴幹祝蒼昊一飽蘇窮漢

感事

二難舊尹兼新尹爲政相沿似虎苛打鼓統如天欲曙鄧侯何
少謝侯多

閔斯曲

不見兒身長但覺兒衣短機中賣剩布兒身遮不滿
孩提怯生人回身就娘抱長大苦別離悠悠四方道

母腸與兒臍一氣貫注之墮地日以遠須念未截時

春蔬

枯蔕菌子茁如釘枸杞萋蒿分外青多少兒童挑菜賣春聲一
片最堪聽

喜顧秋嵐

福楨

見過

昔我募賑時聞有顧子敦名臨宋史有傳以其體肥吾鄉之寓

公好義如追奔歷屆賑款之君皆捐巨身軀似肥仙俗人嫌其村

神交三十年今歲忽到門田子介之來謂魯懷抱得共論白云

生北方不解饜雞豚惟嗜粗麥屑連麸帶皮吞日日食不託頓

頓咬菜根苛禮盡捐棄相對忘朝昏猶憶歲辛亥四郊軍壘屯

岌岌幾不保玉石愁焚崑無錢濟公用仰屋慚心魂賴君輸巨

款准人得生存事定不自言田園伴琴尊上以承清白下以長

子孫浮沈大化中可使薄者惇病中得好友坐我春風溫匡牀
廢拱捐陋室無盤殮高况何脫略真氣時一噴時事那忍說譬
彼黃流渾勸君且括囊楚人將籍髡逝將與夫子永結爲弟昆

近代詩鈔

金武祥

武祥字漑生號粟香江蘇江陰人官鹽運同有陶廬雜
憶各集

石遺室詩話一斤山人雜憶詩凡六編編百首皆絕句
難於去取茲錄關於江陰物產而詩句較雅者數首

陶廬雜憶

無主桃花歷亂開且烹肥鰾佐新醅鄉園動植如相約新筍香
時燕子來

竹園多筍以燕來時生者名燕筍最佳

池塘寂寂聞鳴蛙門巷陰陰數落花好雨乍晴新水漲黃梅時
節漉梅蝦

近代詩鈔

金武祥

一

蝦以梅雨時生者多子名梅蝦味尤勝

投轄殷勤數舉杯年年臘去又春回滿城簫鼓燈初試正好河豚入饌來

河豚魚出江中元宵時出者爲看燈魚

寒潭澄碧漾蒲菰高柳蕭疏八九株愛向橋東來晚眺一雙飛過水壺盧

蔣家潭湛然如鏡冬間常有水鳥如鷗鷺翔止其間村人名之曰水壺盧蓋卽小水鴨也

近代詩鈔

吳俊卿

俊卿字昌碩浙江安吉人官江蘇安東縣知縣有缶廬詩

石遺室詩話缶廬造句力求奇崛如其書畫篆刻實如其人如其貌殆欲語羞雷同學其鄉冬心蘊石兩先生而益以槎枒者統觀全詩生而不鉤棘古而不灰土奇而不怪魅苦而不寒乞直欲舉東洲巢經伏敵而各得其所長異哉書畫家詩向少深造者缶廬出前無古人矣句如離聲牆外禽行色煙中櫓人薄抱關吏天憐識字夫且題修竹去一倚酒爐溫隋堤柳邊柳邗水燕中燕月白淺斟酒水涼深閉門詩好偶然得如琴難再彈

乞米腰難折攤書志不貧病臂臨池活游心繞樹貪南
宋一湖水東風萬柳絲種竹云戴天同俯仰租地養扶
疏滄浪亭云石欹亭子破山鏟夕陽平煙霞洞云簾卷
花爭座亭欹石攫人七言如綠竹滿庭自醫俗青燕作
飯誰索租勸我學游還學詩謂不知詩負游屐篆癖冷
抱石人子買花狂散金錯刀皆戛戛獨造

庚辛紀事

百里隲雲開長驅大隊來紅巾揮戰纛白日蔽塵埃一炬盡焦
土幾家沈劫灰何方堪避地有路是泉臺
夜賊何方至逢人但舉刀哭聲殷風雨亂走劇波濤入谷愁無
路攀厓恐未高桃源更何處僵臥且蓬蒿

寒食登金麓山

故鄉馮弔黯銷魂賸水殘山冷一邨溪上草堂何處是劫餘耆
舊幾家存荒原有鬼悲風雨寒食無人泣墓門歎息平林棲鳳
地年年杜宇換嘯痕

刻印

贗古之病不可藥紛紛陳鄧追遺軫摩抄朝夕若有得陳鄧外
古仍無功天下幾人學秦漢但索形似成疲癯我性疏闊類野
鶴不受束縛彫鑿中少時學劍未嘗試輒段寸鐵驅蛟龍不知
何者爲正變自我作古空羣雄若者切玉若者銅任爾異說談
齊東興來湖海不可遏冥搜萬象游洪濛信刀所至意無必恢
恢游刃殊從容三更風雨鐙焰碧牆陰蔓艸啼鬼工捐除喜怒
去芥蒂逸氣勃勃生襟胸時作古篆寄遐想雄渾秀整羞彌縫
山骨鑿開渾沌竅有如雷斧揮豐隆我聞成周用璽節門官符

契原文公今人但侈摹古昔古昔以上誰所宗詩文書畫有真
意貴能深造求其通刻畫金石豈小道誰得鄙薄嗤彫蟲嗟予
學術百無就古人時效他山攻蚍蜉豈敢撼大樹要知道藝無
終窮刻成褻手窗紙白皎皎明月生寒空

坐雨和鐵老

窗外雨如鏃驟涼生葛衣滿庭蕉葉大入坐草蟲飛興賴殘書
遣秋遲一雁稀虛舟何處著江海願同歸

曾爲題虛舟縱浪圖

欣園汪符生煦同遊

菜花滿地梨花白攜手同爲畫裏人禁得春寒還小坐闔閭城
下雨如塵

贈楊香吟先生光儀

香吟天津人著有碧環軒詩集

風雨數椽塵不到琅玕萬个手親鉏先生長物錢難買海色天

光照讀書

祭詩

欲談離亂苦無稽紀事頻媮杜甫題幾卷叢殘釀酒對隔窗猶
怕鬼雄嘔

紫明先生就醫蘇州話舊

天地葉飛初憐君過敝廬吟懷因病減高性愛人疏湖海氣無
敵菰蘆髮不梳青鐙還照影故態莫教除

北寺塔

塔形孤且直更上莫蹉跎平野吳如沼南天江始波有懷征雁
去無盡遠山多別有尋秋思馮誰解獻歌

寄六泉山人

河聲西向廣茗長聞道朱雲姓氏香落葉鐘鳴新樂府黃花鐙

影古重陽愁來拔劍斷流水歸去看山眠草堂百不如人何礙
老知君贏得是清狂

福兒書報燕園近景編成三絕句寄令讀之

錄一

當年舊物仍我家青青者燕黃鞠華屈彊亦有古梅樹空山白
雲檜槎呀

感夢

元配章氏同邑過山人難中病沒倉卒種桂樹下亂
定發之不得其骨傷哉光緒十年甲申九月晦蘇州

寓中之忽
夢見之

秋眠懷舊事吳天不肯曙微響動精爽寒葉落無數青楓雨冥
冥雲黑月未吐來兮魂之靈飄忽任煙霧涼風吹衣袂徐徐展
跬步相見不疑夢舊時此荆布別來千萬語含意苦難訴我昔
避賊難從父止皇路孝名奉母賴汝賢山野同去住壬戌賊東
下我歸三月暮牆屋一無恙舊物雲煙付劫火燒不盡中庭桂

之樹我母爲我言是汝葬身處汝死未及旬當時記不誤賊平
奉父歸甲子中秋度亂後百事廢薶骨先所務攜鋤闢棒莽形
蹟了無遇淚下聲復吞裴回空四顧倉皇遠來意知汝憐我固
慰汝一言在吾身困猶故後匹淩湖施家計頗吾助大兒年十
二作詩漸成句次兒九歲彊弄筆滿天趣兒雖非母出母汝汝
當護汝言我長佩汝德我長慕他年招魂葬同穴傍祖墓黃泉
無自悲百歲猶旦暮

四閒樓

四閒樓高風冷冷寒山鐘入煙冥冥城隅一塔聳孤秀江上數
峯排衆青酌酒自作東道主臥游勝讀南華經日光晨氣盪檐
角梅花樹樹開圍屏

鐵老約遊鄧尉不果

近代詩鈔

吳俊卿

四

水楊柳青天無涯一聲兩聲唳老雅矮屋當樹晝忽暮寒風滿
城春不花吁嗟游子世寡偶芒屨布鞵飛蓬首安得上下隨白
雲過莫釐峯渡胥口

潘燕池先生書問近况奉答

薄宦如游民浮家累妻孥一屋雨打頭達旦聲咿唔呼名鳥友
朋閉戶人菰蘆能狂山簡誰固窮東野吾讀書萬卷愁鑿石雙
手痛那知刻畫能深入貧賤涂游刃雖有餘見咄屠門屠吾師
旅食寬歎息門下孤容髻感蒼涼心血愁彫枯來書贈我言自
苦何爲乎局促人中龍浩蕩江頭鳧時光任轉移富貴何有無
春江酒變成此說良不誣與公爛醉期行止交相扶

寓齋園飲招鐵老

柳條拂地東風勻春江不染纖纖塵看碧桃花過寒食聽黃鶯

兒隨酒人高談雄辨客愁散原上水邊天氣新借問老翁苦岑
寂曷不賦詩來頻頻

金睛牛軋要同人登虎阜品憨泉

夏水忽欲滿酒人隨處過羣山青窈窕昨夜雨滂沱就竹僧房
近回風虎氣多禪心同一笑奈此石頭何

太湖曉發

野店投荒三四閒渡頭齊放打魚船數聲鴻雁雨初歇七十二
峯青自然

卽目

蕪蕪草色春風前渡頭老屋圍溪田牛羊鼓腹犬高臥唯有白
鷗饑看天

丙戌九月十二日瘦羊博士招同人至虎阜爲倪雲暉大

令壽分得望字

心共孤雲流眼謝俗塵望挽舟江柳情留客沙鷗狀薄游秋雨
後古綠坐寒漲倪迂詩勁瘦石骨等無恙足跡徧天下所欠唯
酒量三蕉我長技薄醉未敢讓尋山動隨趣舟迳步亦當泉聲
穿石竇山腹吐平曠檜空屋數椽花徑雲一巷鳥鳴煙樹出風
落樓鐘撞真娘墓蕭瑟生公法淪喪粉黛化爲土頑石森成行
古懷當日暮歸路別層嶂鄰舟出歌妓修眉遠山樣跌宕琵琶
聲按拍和高唱秋水春融融一船坐天上

饑看天圖自題

造物本愛我墮地爲丈夫昂昂七尺軀炯炯雙青矚胡爲二十
載日被饑來驅頻歲涉江海面目風塵枯深抱固窮節豁達忘
嗟吁生計仗筆硯久久貧向隅典裘風雪候割愛時賣書賣書

猶賣田殘闕皆膏腴我母咬菜根弄孫堂上娛我妻炊爨屢甕
中無斗糈故人非絕交到門不降輿見笑道旁誰屠販鬣鬣須
閉門自斟酌天地本遽廬日月照我顏雲霧牽我裾信天鳥知
命人豈鳥不如看天且聽天願天鑒我愚海內穀不熟誰繪流
民圖天心如見憐雨粟三輔區賤子饑亦得負手游唐虞

謝沈公周瑾贈赤烏殘磚

虞山蒼蒼海東落有美一人占邱壑搜詩山鬼長夜愁著屐梅
花早春約赤烏殘磚偶拾得寄窮措大勝金錯七年吳冢誰造
作封題未拆先摸索文字刻露森芒角若蠻夷印快刀鑿紫髯
碧眼英雄姿江東一隅受兄託拒曹赤壁神鬼驚烽火倉皇竄
鼠雀繞樹三市烏南飛非爾族類任飄泊後七年夏吳祚衰

元太

二年二月改元神鳳夏四月權薨

改元神鳳鳥不若得無累爾築蔣陵筆畫殘

經匠手斫岳廬臧壁舊有此金大論交重一諾謂俯製作較薄
文較嚴琢硯用之久長樂脫本入手雙鳥銀嘉惠平生敢忘却
寄書想見三摩抄愛我疏狂不我矜只愁荒倉字不識病入膏
肓無可藥冷淡生涯且礮墨應門喚起梅邊鶴赤烏赤烏饑莫
唬伴爾空山食藜藿

贈萬湖民釗

老澗飄零客尋山憶去秋旅情春雁入活計破書求萬事寵爲
下卑官貧不愁滄江風日晚與爾狎沙鷗

松隱閣讀書圖爲沈伯雲慶雲題

老松穿牆頭破寺窅然古寓公喜讀書我客僧爲主讀罷風寥
寥濤聲滿窗戶坐根青銅冷攬案老龍舞鐘動日卓午面壁僧
三五擁書共息影誰識蕤頭苦况經喪亂來晚境蹙難補馮公

閉側竇董子闡荒圃好學同此心古人應識汝我書付劫火我
隱迷處所種樹欲買山療饑定拾芋摩抄沒字碑識字能幾許
共在風塵中相對慰逆旅題詩松影寒颯爽來如雨

何熙伯汝穆夢家山圖

孤枕聽晨鐘寒風動旅館游子有所思夢醒張兩眼有家未之
返故鄉千里遠生長大江南欲歸苦無伴家山夢裏見門巷荆
棘滿富貴何所求那不失初算識子吹簫市襟袞塵不澣弄筆
數年久依人兩淪飯讀畫亂我心歸思亦難緩燕園釀風雨白
屋照書簡浮家無定所况復鄉夢斷好夢子善持春夜良苦短
淮山與淮水清絕天下罕曷不載犢車還山共雞犬

吳伯滔海贈山水障索寫梅花

堂上松樹生十圍滔老不畫還數誰平生好古有今日讀畫如

讀索靖碑江湖散人時來往石門老屋寒可想梅花落筆下乘
禪唯粥飯僧能配享

鐙脚論詩圖爲茶礪山人汪芑題

山人論詩往來甚合此圖中相對而絮絮者知非予與
也惜未之問事後思
之不惜未之問事後思

空山野梅樹冰雪鍊詩才劫火驅人至茅堂卜勝開寒消邨外
社屐破水邊苔邨得田園樂桃花更補栽

寄嚴履安表叔泰

立錐之地如贅疣先生寄影唯破屨興來豪飲三百甌醉後意
氣輕王侯敝裘典盡寒不愁老妻定是梅花儔有女有女勤梳
頭以水作鏡臨溪流東野失子休自讎再索或得孫仲謀天定
不煩人更籌貧居又過今年秋陋習可笑吾山陬食以耳者張

兩眸讀書幾輩聲呶謳作橫鄉里富可求既富樂與屠酤游那
識世有貞之郵先生憊矣神休休棘手且弗鬼怪囚芝里邨畔
騎黃牛飲泉一竇棲一邱

雨中

屋子小牽艇雨聲低闐雷明朝過寒食卽景是黃梅抱朴空凡
好居貧致不才鄉心何處著行繞亂書堆

潛園

竹瘦依人老山寒比佛尊裴回孤鶴下笑語一時溫鄴架書連
屋蘋州水到門再來愁失路題句古松根

安古城東馬家瀆南有谿有亭酌水談詩趺坐爲樂畫此

一尋歸興

萬竹拱一亭位置得其所調琴浙歷風聽秋蕭屑雨劫後問池

館少此未焦土漫云歸去來畫成已辛苦

歸老顯亭圖荻翁先生命寫

顯山高入雲中有顯亭長星霜別來久去作歸與想行年七十
五健步不殊曩常抱石酒尊醉倚碧松上煩濁風洗滌視聽煙
莽蒼鑿影碧浪俯感舊榆樓仰風味我遙憶畫畢把自賞賦詩
重行行看策先生杖

書旅帖

發粟輸錢拯水災津梨汾酒帖新開臙脂北地鷓鴣出豆莢西
風馬嚼來古道入雲高種柳平沙積雨莽生苔礎聲何處催人
老逼耳填胸一片哀

旅館雨夜

韜晦靡不可其如吟興狂客無樓聽雨心與月同光燭滅鼠穿

牖礪旋驢進房西山何日霽高步躡芬芳

張辟非度松隱小像

松濤寒擁讀書樓忍餓空山自校讎一任貴人工下拜去如東
野不回頭

寶慈老屋圖爲趙非昔宗建題

北郭詩人勸酒樽重過老屋笑言溫鄴侯書架香如海何氏園
林水到門文字吉翔驅魍魅春秋閒敝讌雞豚嗟予歲晚猶塵
鞅把卷無由坐樹根

伯滔畫山水卷子

拔地壁千尺登堂松十圍好手吳疏林字伯滔疏林巖壑任意揮氣
奪迂倪放意出清湘奇滿紙煙霧生窅底猶犇馳崑崙礙日出
盤旋阻雲歸鳥嗟不知道緩歎隨所依縣厓挂秋瀑孤邨明夕

暉木石古黛橫筆筆金石姿荆關不再作歎息知音稀披圖思
故人雲樹秋披離石門長水邊髣髴吾家移

贈高一山攀桂

高適真詩伯儒衣被厥躬力能供自食游亦御天風笠屐辭坡
老山雲憇皖公宦場論動作比我益疲癯

流覽景光成二絕句

小谿深處阿誰家人面燕支水面霞細語喃喃聽未得隔窗妒
煞碧桃花

香生羅綺薄於雲人豔花妍膩不分此是人間甚情緒欲嘔欲
笑酒初醺

贈馮小尹壯圖

大俠無知己人稱老匹夫酒拚晴日醉愁抱夜燈孤世界詩難

倚崎嶇杖不扶雲南一萬里好夢到家無

歲己亥十一月攝安東縣卽目

舊黃河勢抱安東古木寒潭萬影空臥榻冷懸高士雪卷茅狂
聽大王風詩來淮上秋山裏人在天涯水氣中眼底石頭真可
拜儻容袍笏借南宮

米元章曾
爲澗水軍

石頭城望江

石頭城高虛無塵鍾山攝山東西鄰竭來觀水一憑弔滿眼樓
船愁煞人

富盧莪生廷鈞

掩水門虛設談山客寡儔屋和秋共老愁與髮爲讎得句喜三
日段書盈一樓家風演茶量兩腋聽颼颼

書馮小尹悼亡詩後

近代詩鈔

吳俊卿

十

草木黃落秋氣清悼亡詩苦馮先生淒涼獨灑鄉國淚生死不
負糟糠情金釵沽酒醒薄醉瓦券買地營佳城孟光有知亦含
笑寄語飲水無悲鳴

書蘇兒小影

蘇兒蘇州生頭角頗岐嶷兩歲呱呱啼隨父適海國今歲才六
齡之無未渠識渠父酸寒尉束肚弄不律喫墨分所宜餘者力
不及光福枇杷熟賣趁端陽節尉也腰無錢全家戒勿食行者
山陰來曰蘇爾無泣西山黃金果昨日吾手摘破筐盛纍纍慰
爾經年憶蘇兒見之喜踊躍來繞膝行者爲寫照真意筆端出
兒有食肉相願爲萬夫帥弗學耶讀書齋鹽困卑秩

鶴顛衡甫翫月滄浪亭皆有詩卽和

楊風子與林君復遊興東南盡五湖有宋一亭虛面水古吳二

客靜提壺鳥驚清梵啼孤月皎抱寒潭吸大珠何處宵鐘撞百
八隨風高韻落平蕪

蹋青圖

唯楊及柳桃之華東風灼灼吹紅霞紅霞幻作樹頭雨女伴蹋
青愁不已春愁不已碧空霽原上水邊人絕麗

偶興

石頭奇似虎當關破樹枯藤絕壑攀昨夜夢中馳鐵馬竟憑畫
手奪天山

醒後

天籟無端落枕邊潺潺澗底響秋泉盆荷已放書猶抱醒後方
知中酒眠

自壽

近代詩鈔

吳俊卿

十一

前身定與范叔厚一寒至此坐且守寒與飢鬪腹自鳴西風獵
獵驅我走秀才家食占不吉僅喜詩成掛人口刊金伐石且游
刃庖丁解牛力在肘流光忽忽六十九仙人斲錫治聾酒值此
身世聾亦佳未聞海裂山摧朽怪事咄咄石敢當歌聲嗚嗚缶
无咎聖人之杖扣且不兩脛已跛奈何受不念舊惡觀其後如
此衰翁烏足壽人謂計閨已古稀古稀不醉醉誰某鏡中見我
蹒跚醜扶持嬾覓纖纖手陳圓董宛供一嘔更不願折河東柳
結髮之妻安可忘縱不糟糠亦箕帚南極一星高在天奉手卻
見西王母

釜麓歸耕圖和玉初勞先生韻

荷鋤帶月野蒼蒼沮溺堪爲兄弟行閭闔衣冠前日夢桑麻雞
犬白雲鄉邨居叩戶來今雨社酒看人醉夕陽想濯塵纓涑水

上笑聽孺子詠滄浪

遜盦古匄存

有虞尙匄宗女媧匄盡天下爲山河成周因茲設官職方員愚
知人事蘇孔門饒鬻賴於是尙有賣漿薦春儺炳闕僅云弋弋
字姓氏里居記不譌始皇焚書書浩劫道在瓦甓未易礪零落
古籀數珠玉守護如遇神鬼呵識字僉推漢祭酒象形會意聚
訟多南唐二徐盡趨舌注輯翻作煩惱魔半泥模范尊鼻祖欵
整筆勢無切磋古氣盎然手可掬斑連等于高陽戈遜閣篤好
已成癖搜索荒礫窮煙波參攷文字頗奇特不類魚蟲與蚪蝌
索黍刻畫似蠅首妙趣真若書擘窠烏皮几潤春雨後簞簞盤
匱同星羅精拓氈蠟公世好三代遺物常摩挲老眼有福喜無
量呼酒倚醉擊缶歌

壺翁戴君以壺園修禊圖索題

庚戌上巳天陰舛春風吹聚壺園萍壺園修禊好風色九曲巷
古錢塘清會中之人數十二我未與會徒虛名壽過八十計有
四眉長想見雙眼青壺翁省識主人號未及訪戴虛舟停亂離
身世忽然見只隔一載翻長鯨海上移居局促住辛壬癸甲同
飄零名園荒落一回首醒酒石已莓苔并題詩索我增感慨燕
園予家園名在安吉城已禿燕青亭梅樹壓籬竹欺屋圍繞不住鄣南城
勸君作達休介意海且倒立飛雷霆樓臺蜃氣眩光怪魑魅解
語通人情今之隱几已非昔齊物爛熟南華經

周夢坡爲母建塏藏經塏中紀孝思也

夢坡儒士耽枯禪爲母寫經心虔虔藏經築塏千萬錢孝心自
古能格天母仗佛力出九泉登極樂國跌青蓮繪圖經後丁女

士博覽內典通漢史龍女化身勝男子我輩聞之賴有泚藏經
塏中重展讀想見孝子抱塏哭齊梁造像斂財酷不如此塏真
造福刻石薛念椿匠工金掌和朗池僧監工口誦阿彌陀理安
寺前寶塏高峨峨吟詩我亦涕滂沱母恩未報可奈何無力造
塏媿夢坡塏高四丈有二尺塏圍丈八累甃石此塏可爲千秋
萬代教孝之準則嗚呼此塏可爲千秋萬代教孝之準則雷峰
保俶都無色湖上從今添勝蹟

六三園櫻花齊放約貞壯一亭往游叶孃鼓琴花下

海天如鏡天礪平揭天排海飛長鯨桑田幻出奔雷霆麻姑數
見吾何驚春光如拭開林亭花風凝白千樹櫻琴聲入耳風冷
冷鶴龜奏罷悽其鳴年華坐失悲平生似訴似泣傳幽情長公
詩筆高崢嶸王宰畫竟促迫成我畫我詩無庸名老矣欠炭心

胸橫淚點冷合青衫青句短卻笑琵琶行王翁亭一善睡諸公長善
聽謂琴不敵茶味清臧之姬有茶癖也何不罷彈試一烹叶爾長技
相兼并談天口渴還談瀛鄒衍失笑太白醒招之使來吾吹笙

王一亭臨吳小仙畫卷

小仙下筆勇可賈一亭筆意綢繆古筆金剛杵筆扛鼎髣髴龍
湫倚天姥無水不江湖無地不網罟得魚換酒澆肺腑樂在漁
家忘所苦醉者足加腹醒者腥其吐短笛吹無腔按拍打瓦鼓
唐臨晉帖雙眼明仙與一亭相水乳而况蕭灘古木參以石田
大劈斧一亭謂我耳聾目尤瞽中有七道士法十居五不然頭
顛項背安能使之老者窳少者嫵我謝一亭詩不吟撼屋風濤
猛若虎鼉身映天長鯨舞恍若移我居之舖我試僵臂發彊弩
射石當能飲白羽或同擊缶歌嗚嗚付與滄江和柔櫓

適園雜詠爲張石銘

茅亭

茅亭延夕涼徑仄石齒齒花藥翻風香空階步羅綺新月吾故
人交情澹如水

叢桂廊

桂樹老通禪非石亦可語持偈我未能且坐無佛處舉盃要月
來却恐盃飛去

祁止祥臨文文山墨梅彙楊仲弘詩

瘦影寒香又一時文山遺墨仲弘詩年來老眼模黏甚認作冬
青一樹移

楊子鶴畫冊

摩挲病眼對煙霞小閣寒鑪正熟茶贖水殘山吟不得且煩无

咎讀梅花

次韻和貞壯除夕見寄

晝寢都忘卻晨游直到宵一盃酬舊歲萬事有明朝狂對花枝
舞聾噴海氣驕除君詩挂眼古意問誰招

余疑菴草書爲一亭

平生一貧無所累累在使墨如泥沙親朋遺我喫已盡典衣自
買礪橫斜學畫未精書更劣似雪落紙拌涂鴉一亭示我疑菴
卷大草若潰蛟龍注神嚴貌醜力逾猛素師跌蕩顛騰拏足爲
我師當下拜腕力疲茶愁難加由草入篆去不遠匡我不逮牆
隅蝸秋蛇春蚓一變幻恍洞郝閣穿瑯邪能書識字有何樂况
值世變心亂麻縱能易米僅糊口坡老徒見耕夫誇一亭致辭
翁弗嗟若不爾爾翁無家海變桑田田變海恐無隙地容種瓜

戰場慘澹愁雲遮草枯蓬短嗚嗚笳弔之以詩正而葩大書特
書驚李華柳不生肘眼無花

懷素畫像

畫筆千尋氣九秋伽趺蕉下佛同修高文一任攻韓愈變相渾
疑著貫休碧眼觀空忘水月綠天搖影走蛟虬輦金儻可求真
蹟愁煞蘭亭視贅疣

二友詩寄敦浩石友

敦浩古狷者言笑天下春石友介于石鑄肝淘俗塵交我尤綢
繆似酒頰其醇我書未飽讀二友擴見聞聞見難盡言一一書
之紳黝詩我不休百日三四旬蓄髓刀剝膚剔腐肌生新新生
舊根荦元氣培紈緼憶昨劍門游飲泉甘不渾香參老桂禪碑
宿遠祖墳沿谿刺眼花入谷黏屐雲三人必有師在昔孔子云

孔教流不衰我輩同策勳二友屋數椽况逼言子鄰我寄二友
詩我心二友尊二友笑且言不二真法門

黃華道人畫冊

吳讓之篆
梅植之題
詩

南田工設色尙多煩膩痕道人潑煙墨蕭灑何精神凌風墮若
秋滋露含若春濃訝朱若涂澹處粉若勻供想娛文房折待遺
麗人乃知天工巧不敵豪端真道人號黃華住豈陶潛鄰筆奇
手崛彊衆花降其魂土脈初萌芽情性通網縕吳篆根瑯邪字
數吾家珍梅書密密題頗類百疊君一亭日臨撫意味殊超羣
吾更進一言一亭弗厭聞湛湛舞劍器昭昭談獲麟著屐登峨
峩啣飲水眠崑崙畫境誰商量隻手捫星辰

十邨圖吳湛若畫王翁藏

利鏃作筆拏煙雲軼蕩蕩處開天門不寫華侈專寫邨吾家湛

若菽苑尊石田化去追其魂風雪寒沍花鳥春中有情性一己
存在山之顛河之脣牧牛走狗噪野豚社酒爛醉攤盤殮板屋
塞破罌罍樽前邨龍挂雨傾盆後邨烈日焦禾根踏車池渴泥
水渾魚網未設愁游鱗牽船岸上天四鄰坐食漁婦漁弟昆琵琶
絃澀盲詞新是非顛倒滋笑顰塾師臥脫折角巾誑語夢見
周公頻兒童逃學張一軍妄想稱帝人稱臣采桑若綴梯斜曛
不減七月風陳幽吾邨老屋無埃塵王宰肯畫添一痕著我策
杖來燕園古樹破石盤輪困著筆不易吾天真梅花性命詩精
神

嚴翁蘆雁

狂瀾滔天雨壓屋城郭幽齊集鴉鵬民其魚矣死無辜不死者
飢寒瑟縮將人比雁烏乎可今日災民雁同族嚴翁畫此水一

掬流離顛躓費蒿日鳴者若呼羣飛者類避鏃得食且泥沙霜
棲而水宿羽毛襍褻任顛覆彼人非馬難指鹿蘆花如雪風淒
其手筆驚人傳古樸前工此技邊頤公翁豈葦間書共讀妄想
起翁泉下一績流民圖翁爲鄭俠我作杜陵哭雁兮民兮漫相
逐一言寄汝休厭黷訴天天疲癯訴人人土木

青藤畫菜

蔥蒜魚肉損肝肺齧之不厭唯菜根古來種菜意所託心儀吾
指遼東君鉏金不顧眼孔大高異甯避華歆噴大隱卽今問誰
是所見一氣鎔金銀青藤書畫法外法意造有若東坡云青衿
剝去無礙相白眼視等過浮雲身前跼踏死仙去賸有菜色哀
流民我亦能飲一升墨噴出楮上輸精神有時畫石類奇鬼顛
不下拜禪彌真補天未必且填海六鼇壓斃龍噓雲漫言放筆

寡生趣何妨賣菜傭弟昆

上巳徐園和魯山

花宜人醉醉宜歌乘興來觴晉永和徑僻嬾尋閒草木詩成愁
對破山河天風裂石攜琴到雪影翻池趁鶴過何日南苕賦歸
去水邨煙塢一漁蓑

陳白陽墨畫

書畫吾寡儲在人亦外府東友時寄觀喜氣溢眉宇先吟鼠姑
花墨汁幻紅雨狂乏青蓮才亦不玉環午一徑流清芬走入辛
夷塢摩詰歸未曾誰更輞川主蘭鞠霜露抱傲骨而香祖孤秀
人不如人面取媚嫵嫵媚難悅人一變堯舜禹唯利可制人求
者身傴僂名花置其前鼻塞目能瞽洛妃來何憑玉版傳今古
書奇賦更奇畫亦奇水乳山茶拙政園折來朶可數相見梅邨

老詠罷手還撫惜哉人未完竟爾龔錢伍氣味傳白陽咀嚼入
肺腑作篆可笑人殘闕抱石鼓幾回通入畫如眺隔一堵大惑
心茫然卜若卦之蠱撫卷三嘆吁羨爾生龍虎

姪梅東將歸詩來言別和之

彌勒同龕四體舒天教骨相繪髯蘇言歸古柳生離色且住長
鏡戀老夫海鑿深杯沈醉否梅開孤嶼再來無詩成莫便波濤
擲恐有驪龍索大珠

半淞園看梅

迢迢雁落沙連海滑滑禽言樹抱軒天似穹廬梅古雪一年好
事半淞園

蹙一足如仙隔塵澹雲微雨去尋春幾生修到梅知否臨笑無
端見美人

計曦伯藏永安計氏博僧六舟持贈

計然書讀家承學計甓齋儲祖不忘珍重白雲持贈意一僧破
衲住滄浪

抱甓誰云道在茲永安吳祚欲衰時詩成今日添惆悵商略泉
明紀義熙

意行書酒家

蹋翻殘壘竚孤雲嘯駛聲中酒半醺隔坐漁樵談往事須眉如
續戚將軍

坡公畫像爲高野侯

小飲三蕉罷狂游二客先雪堂春晚晚水調月嬋娟溫潞黨誰
屬山河破可憐學公吾豈敢食研自年年

吳氏園林贈善慶

近代詩鈔

吳俊卿

十八

甕抱人呼丈筇扶我媿翁紐藤穿石竇籠樹引天風農圃求諸
已交游厚自躬未曾儕學究論語已旁通

海日樓圖爲乙盦沈先生畫

望京樓上日遲遲手挽天河定幾時花藥四闌雲一衲參禪無
偈只攢眉

蔬香館圖爲鍾大

抱甕古有人蔬食味彌旨旨哉味斯言諤諤天下士菜根齧不
厭漱石礪吾齒香風通四鄰至味有如此鍾翁居南苕小隱年
亦紀酒肉紛池林直以土苴眠茹蔬不佞佛禪味得精髓挑菜
宣起予鉏金歆任彼賣肯傭自甘種且晦而已事百有不爲抱
一知所止水邨屋數椽脫粟而布被惜陰把殘卷及春賦良耜
匕箸生氤氳秋菘尤大美旱魃近爲虐北地互千里千里嗟不

毛人命雛鼠耳拾橡如采芝羹菟勝膾鯉食人天何厚老我河
之涘蘋白風蕭蕭浪碧湖瀾瀾詩豪捐弁峰畫畝剪淞水太傅
貽德芬清賢見後起

水野延梅索詩賦贈

古水野氏窮厓濱字以延梅芳四鄰狂尋碧落披白雲康樂木
屐泉明巾杖假夸父趨斜曛仙侶徐市澆古墳來登泰岱窮崑
崙冥索禹穴窺甌閩吾圍兩戒方荆榛吾足蹙蹙心酸辛吾愁
欲叫天無聞君知吾如吾知君朝鮮風物今同文興發紙貴還
書君箕子封舊車式門大王碑好墨拓魂瀑注寒玉天垂紳山
櫻兩岸恒留春問胡不歸曰有因如道吾道瓦甃存破研煮食
葛衣頻翻謂富者胸中貧蹲蹲正舞初筵賓大醉突若逋蟻狔
須眉戟張鞞鼓聞心目銕霍參井捫期期之口偏鼓脣蹋天李

賀爭斷斷諧謔不辨菑與薰聚椒藐之深秋蚊唯交友處愼厥
人氣味隱與酸寒親詩成我法缶所云直言入耳忘饗殞齒牙
不置時缶昆缶舌有時萌鈍根君云鈍癖仙等倫如剛歷劫猶
欠輪譬之樗櫟跳斧斤巖雲壑雨秋氤氳

王孟津詩卷

卷尾一亭畫山水

文安詩與書下筆虓虎吼奇雄雜樸古賁育莫掣肘比畫騰之
而點睛破壁走一亭畫中英華宗指屈拇上揖瞿山老平睇白
石叟如二李將軍後先比瓊玖讀書頽我顏望古瞠乎後學古
我未能斯言近八九卽今亦多讓垂白重搔首長城縱挂眼虎
僕亦在手鈍根有如此負此嗚嗚缶遭際將毋同式禮或毋苟
勁節畫琅玕奇字辨蝌蚪不幸饒古人多事挂之口海樓高切
雲容我躡足否筆敢揮煙雲心儻祓塵垢蔬食略如佛佛亦於

何有文安如可作拍肩定誰某

非園圖甘君屬題

耳聾沈沈目不瞽大俠曾識非園主主人酤我我婁舞流芬橄
馥天葩吐泉清瓢飲滌臟腑石瘦禪通拜佛祖空諸所有誰云
然興發有時還鑿古周虢叔鐘秦瑯琊翠墨手捫注如雨讀罷
仰天風寥寥竹代陶瓦松環堵往事悟徹一回首德必有鄰疆
取柱山河破碎殊可憐插足已無乾淨土京華迢遞望不見誰
是岑馮誰鄧禹石可療飢薇可亨卻笑營營須學圃不如坐我
寒趣亭寒盡春回盜庭戶繩其祖武詩賦成且別珠江就黃浦

蒿盦馮先生索畫梅

大雪無雪冬至姓一枝綻玉暉中庭昔耶不作巢林老畫欲意
造坡難爭行年七七分弟畜安敢唐突馮先生先生七八老不

醜石勢離立梅孤撐墨汁一升噴盈紙翠羽如聽空山鳴封泥
殘缺孳扁幻不似之似聊象形梅邊別有古天地剗徑卜築蒿
盒成先生曰吁道在是蒿恣飽食薇同亨梅能作花花作實酸
鹹外味宜調羹後恐南朔異涂轍嶺頭驛寄愁飄零我感此言
發長喟坐若淵默驚雷霆復社流風不再作心儀高矩嗟晨星
飯牛徒歌白石爛幻蜃空冀黃河清氤氲之態賦不易鐵石風
度誰廣平不如換筆畫大樹氣象肅肅雲英英將星銜爛不可
卽坐我延影蕪蕪亭

書貞壯詩稿後

小朝廷在狂醜酒大劈斧如真畫山騰笑滑稽猶贖我拍肩南
北兩峰間

谿南閒步

青天笠戴歸斜谷野屋月明來故人鶴壽不銘厓兀兀魚潛在
藻水粼粼移家柳下民誰逸持偈琴南佛漫嗔如此風光真意
外一藤扶老又三春

靈巖山圖

塢尖佛坐甃延月磴底琴鳴玉蔓渠舊館巖腰移不得令人惆
悵畢尙書

近代詩鈔

沈汝瑾

汝瑾字公周號石友又號鈍居士江蘇常熟人諸生有
鳴堅白齋詩集

石遺室詩話石友與安吉吳昌碩至友善集中與昌碩
往來者不下百十首極似祥符周季貺之於桐城蕭敬
甫昌碩刻其詩十二卷無愧石交詩長短皆好而短篇
尤有趣味至其疾惡刺時之作在在而是可謂以嫠婦
而憂公室矣

寄昌碩

平生不合惟好梅梅花落後無新詩漫天覆地樹葉綠空庭夜
夜啼子規君詩忽然照我眼畫梅贈我如瓊瑰對之幽香冷沁

骨六月可以冰人肌嗟我弄筆粗解事奮力思與陶謝齊今不
及古理茫昧莫啟其覆同醯雞十年木榻坐欲破苦吟時見雙
眉低狂名無端壓時輩迂怪頗受庸人譏東郭先生墓宿草久
無詩客來叩扉閉門若在窮谷裏撫松倚柏餐靈芝持身孤潔
比梅萼此意炯炯青山知與君傾蓋如宿覲歲寒不改金石姿
撥雲同君探梅去明年鄧尉春風時

哀二友詩

徐經士銘彝

徐君落落古介士自君之亡天喪予高懷大可置義吳至信直
欲孚豚魚年荒寫字不乞米家貧典衣常買書嗚呼斯人卒難
得痛哭愁天翻日車

蔡樸盒鍾璋

蔡子作事頗不俗酣飲美酒隨天機三十年臨漢碑字二千金
救河南饑愛子猝亡怨偶在一病竟向黃泉歸雖非久交亦深
痛海虞人中似此稀

寒飲寄懷昌碩

雪裏輪囷樹樽前壘塊人相依天地內共保歲寒身把酒消殘
臘題詩迎早春聞君厭奔走何日息風塵

督奚奴收雪供茗飲

秋冬苦無雨行汲勞僮僕河流雜泥沙腸胃積塵濁夜聞窗外
雪簌簌下林木天明披裘觀大地積羣玉北風捲復起勢欲平
澗谷可憐荒園裏壓倒數竿竹喬松與叢桂倔強撐石腹上蒼
有深意降此慰心曲天物不可暴棄之恐非福太陽一照耀黃
金萬莫贖指揮具筐篚提攜入空屋潔白本來相無使蒙垢黷

搏結實古甕計得水十斛石鼎煑苦茗新火然樸楸夜吟潤枯
喉一甌勝醺醪生產懶不問此物解儲蓄使能療我飢從今斷
梁肉

新年

麗日燒燈節江梅初試花年豐人喜樂縣小市繁華繡屋鬪盧
雉春城藏狹邪無心去徵逐石鼎自烹茶

性直寡朋友一首寄昌碩

性直寡朋友長無鄉曲譽秋風獨攜酒遙酌巨卿墓他鄉有同
心拏舟訪蓬戶闊哉三年別留作十日住放懷論詩材抵掌談
世務忽忽又言別鷄鳴束裝去長揖送出門落月屋邊樹滅燭
就枕臥納涼夢聯句日高倦忘起妻孥笑嚙語丈夫各有事聚
散風中絮豈若鹿豕羣歲月常聚處

予抱胸腹之疾至丙夜則劇不能寐起檢昌碩來書作此
寄之

四更氣上逆起坐不容後連山暗蛩螢隔竹閃星斗故人別三
載書積一寸厚行行肝膈吐字字蛟虬走夢中時相見軀貌瘦
於舊比聞宿疾發藥甌亦在手蕭蕭氣漸涼桐葉落窗牖秋風
駕扁舟盍來作重九黃花開滿籬青山對斟酒知君難踐約官
事有職守勉旃加餐飯各保金石壽

同趙非昔丈至半畝園

高樹晚花落古潭春水香鳥聲藏密竹山色入虛堂此地紅塵
絕清言白日長何時共攜酒醉倒藥闌旁

贈郭大令

風雅虛心好豪強信手鋤娛親山水縣判牘晉唐書寫竹盈紈

扇看花奉板輿比鄰聽嘉政松桂養扶疏

漫興

踏青山過雨倚綠樹回春處此艱危世偏成懶散人性迂常忤
俗名賤欲燒巾除却觀泉石昏昏障眼塵

將之虎林阻風雨口占以鼓游興

清明已過春山綠想著西湖勝事多便欲租船冒風雨鄂王墳
上一悲歌

潘比部以焦山玉峯菴僧精拓鶴銘見贈賦長歌謝之

昔游焦山寺曾讀瘞鶴銘摩挲百遍不得拓歸來手帶蛟涎腥
忽忽十八年歲月如流星嘉惠忽及我翠墨流古馨八十有九
字字字龍鳳姿飛騰瓌寶不湮沒好手逢山僧博桑側理白如
繭氈蠟椎拓文乃精古來讀碑者考據各有名或言右軍或貞

白或以魯公逋翁襲美相紛爭謂陶隱居差近是居華陽觀談
仙經唐碑結體尙嚴整那有奇情逸致紛縱橫青山鶴蛻久已
朽問之不復能長鳴遙遙二千載石上苔花青當年豐隆妬名
蹟金椎疾下驅雷霆石墮江水裂爲五得諸水拓多奇零國初
始挽出仿置寶墨亭俗工塗竈煤傳世猶沉冥至今漫漶一洗
雪山靈刮目江妃驚乃與周無專鼎共焜耀虹霓日月昭文明
金山區區一玉帶相對無乃慚傳燈潤州去海虞風利三日程
何時訪老衲拜石酌綠醪君橫鐵笛我長嘯喚起仙鶴無藏靈
必憂世變只有金石能長生

壬寅端午

端陽倏又至歲月如追逋家家循舊俗門貼鍾馗符枇杷黃金

鶴銘原文爾其藏此二字已泐 縞衣蹁躑舞月下脚底浩浩江流聲滄桑奚

色不能起餓夫莫嫌角黍小米價貴於珠節物偏感人食之味
不腴薄薄盈盎酒青青插水蒲搗蒲置酒中一弔屈左徒結友
千載上誰謂吾道孤

顧茶村以老少二像合裝一把卷一持酒斗昌碩題曰吾
與吾周旋予爲賦短歌廣其意

少攻績事老耽酒昔日朱顏今白首傳神妙在阿堵中春晴楊
柳雪後松茫茫塵世身外身交游不及形影親金螺玉海五色
筆醉鄉畫境羲皇人何如更策靈壽杖玄鶴紫芝結遐想杖頭
偏提挂春釀天下名山隨意往

新秋讀吳稼翁先生遺詩戲效其體

後戶臨河易得魚薄醪麤飯樂閒居敲門聲怕催租吏卻是故
人來借書

今日全消用世心推窗臥看白雲岑孤吟自笑無人和多買秋
蟲放綠陰

中秋夜獨步荒野中

飲酒不樂浩歌去荒野沉沉蒿沒路栖烏驚人移別林流螢如
燐出頽墓滿城金粟迷花霧踏月羅衣濕香露欲呼才鬼相與
談厭聽尋常世間語

病鶴叔遠見過

坦白襟懷似爾稀秋槩對酒語依依滿街落葉欺殘醉兄弟相
攜踏月歸

金氏昆仲約游河陽山

西望河陽石一拳山中老檜綠參天憑君先與山僧約醉借禪
牀樹下眠

戲昌碩

求者多於鐵門檻筆勢勁如金錯刀我有新詩使君寫意氣亦足稱人豪

絲價日貴製衣不易戲作

一領春衫費不貲手輒寒女織鴛機七襄雲錦三千匹盡與天魔作舞衣

至兒子書齋見架上置史記開卷乃趙奢傳戲作

龍門史筆高千古懶惰曾無展卷時莫向人前嗤趙括父書能讀是佳兒

熱甚蟬鳴聒耳戲作

只在梧桐楊柳枝聲聲叫徹夕陽時置身高處稱知了畢竟何曾一事知

活錦囊圖

虛白居士有僮能記其詩有索書則令誦之謂之活錦囊繪圖徵詩

滕子隨身一僮子口誦新詩寫盈紙康成之婢穎士奴當年未聞入畫圖人生識字憂患始記得萬言亦徒耳胡不歸向鵝河邊配赤足婢使力田力田逢年穀盈屋黃雞秋肥春酒熟烹雞酌酒歌烏烏何如飄泊游江湖

紀事

上及山岡下水泉不能搜括是青天簞瓢陋巷猶征稅顏子還存附郭田

夜合資充壯士糧纏頭錦作戰衣裳枇杷花底官符急還是前朝有教坊

沽酒難將付市中孔方兄亦歎途窮五銖半兩成鵝眼莫是銅
山與鄧通

空中傳信地飛車璀璨明燈耀火珠收盡電光天不笑枉教玉
女中投壺

會開萬國議和平器械精研日治兵鱗介安知周孔道船堅礮
利卽文明

蚨飛直過大洋來善債方稱善理財不用黃金更求士燕昭臺
作報王臺

湖橋弔青陽二觀 并序

咸豐季年粵寇犯常熟青陽二觀領鄉團扼湖橋焚橋
阻寇進並發礮擊之寇稍沮城中人得以逃者青陽力
也後卒戰死松禪先生援有功則祀之例立主於土神

祠刻石紀其事青陽姓吳名廷芬其出也微故人皆呼
小名而姓氏翻不甚著亦可悲也

深刻大書燕許筆姓名不使沒蒿萊當年若遇曾文正鮑虎多
龍較將才

烽煙遺蹟夕陽紅誰識斯人保障功市上賣漿屠狗輩不知埋
沒幾英雄

過徐硜士舊居

無多花木盡摧殘苔綠荒池水亦乾試問牆陰手栽竹被人斫
作晾衣竿

書堂易主渾忘姓嫁妾生兒已合婚多少悲涼身後事更無人
說獨銷魂

畫瓶菊戲題

近代詩鈔

沈汝瑾

瘦菊九秋花古陶三代器一賦登高詩商聲滿天地

養浩示玉茗花詩和韻

我生千載後結想千載前想彼古美人不過如花妍所以坐花
下日夕手一編故人枉駕至相知在髻年清言有雋味何必烹
小鮮羞效世俗交酒肉相周旋惜難分此花移植君牆邊

老革

老革公然世共欽坐依斗柄萬方臨玄黃小試屠龍手道路咸
知司馬心盡毀綱維思固位高談仁義豈爲霖禍機未絕長鯨
竄漫道神州免陸沉

養浩示陳家浜看花詩和原韻

養疴不出戶春寒弄春陰讀君桃花詩如遊桃花林未見花到
眼已有花在心字發雲霞氣句含山水音人生亦何苦感昔兼

傷今新晴約上巳花下同開襟

蛛

晚晴高結網蚊蚋正喧喧望裏羣蜚小中央獨坐尊飄搖避風
雨籠絡度晨昏只恐飢鳥集軀微不足吞

十四夜對月寄岳廬

浹旬困陰雨雨止月才現月光裂雲出林外垂匹練有如素心
人久別忽見面九霄萬里近一刻千金賤照我冰雪懷月亦殊
眷戀凡物對於我俱作有情看况此玻璃魂朗朗在霄漢安得
爲車輪乘之游汗漫

趣還

趣還大物奉金輿覆雨翻雲使得無隻手妄思扶社稷褊心難
免送頭顱紀綱草草教誰信封拜紛紛只自圖不久王孫路隅

泣延秋門上有啼鳥

五月五日行兩章

五月五日聚五毒當日三閭汨羅哭古今忠逆死不同五色絲
長命難續登天不成翻就木凶骸有愧蘭湯浴讀離騷飲酒滿
樽俯仰乾坤貴知足
位居極高品極賤龍庭猶作雞肋戀黃金白刃虎狼心鬼哭神
嚎天地變五月五日夜五更天狗星墮天鼓鳴艾人當戶蒲劍
橫瞠視北極思長征

近代詩鈔

勒深之

深之字省旃號元俠江西新建人拔貢生廷試第一官

口部小京官有蕉鹿吟

石遺室詩話省旃阻風燕子磯句云壓林奇石噓雲氣
出寺秋鐘帶水聲清越以長的是燕子磯鐘聲

登永濟寺觀音閣復下由小逕至上台洞而還

山勢欲飛去高閣凌空起俯視但茫茫雲海深無底大江天際
來雪浪照窗几遙見窗外峯雲霞紛奇詭鳥道背山腰獨往信
屐齒崩壁警倦眼奔泉洗塵耳古洞名上台一椽結洞裏壁鏤
積苔色玲瓏注寒水檐瀑聲淙淙佛髻綠泥泥探奇不厭深入
勝從茲始山風起前途木葉紛如駛病骨畏高寒知爲山靈恥

近代詩鈔

勒深之

急趁下江船片帆瓜步指

過江口占

妙高臺遠隔煙雲望裏峰巒枕夕曛苦學丹青炫金碧江山孤負李將軍

空明一鏡白鷗閒遠岫無名妥翠鬢一霎東風騰萬馬浪花如雪沒焦山

空將天塹作金甌六代江山王氣收但有清華少雄闊南朝爭恠不風流

三旬厭向揚州住瓜步重來草未生五日濃陰天不洗落花堆過佛狸城

晚鐘斷續下南徐却好澄江落日初萬頃茫茫星火亂滿江春網上刀魚

作客連年到石頭孤衾聽雨慣扁舟今宵宿處添清夢帆影江聲海嶽樓

爲歌郎張寶蘭畫蘭作一枯一潤亦書二截句

錄一

絕世風標自有真蘭花比玉較精神畫師百輩無人會孤負空山太古春

依微

恠得依微漏點清枕函邀夢兀難成春歸始信花無謂夜短終疑月不情十二碧城迷處所兩三紅袖自生平銀潢咫尺滄波迥奈此流雲葉葉聲

程樂庵工部志和陶補孫戶部福祖告歸田里相約同行

賦詩見意

自笑真同水上萍歸哉甘作老明經故人望氣應能識從此長

安晦酒星

近代詩鈔

馬貞榆

貞榆字季立廣東順德人歲貢生官訓導

寄石遺

有序

余在武昌十餘年只剩得菱湖邊一屋此地背山面湖
夏日荷花彌望恍住舟中晚見隔湖燈火不知其在城
市也去秋武昌兵起家人避走漢上余客京師意此屋
必不保矣石遺知余最深歲暮有詩見懷云太學書生
待汝來窮途垂老客金臺屋廬書籍辛勤有莫便昆明
付劫灰蓋石遺知余館穀銳減薦爲大學堂教習故獨
遊京師也今春返鄂則屋舍依然失喜却賦

牽蘿補屋十年餘長物全無只破書烽火已消松鶴在依然綠

近代詩鈔

馬貞榆

蔭舊時居

答石遺索錄舊作

識君忽忽踰十年臧否約略同媿妍相知豈在文字末刻鏤肺
腑通天淵君才濟世不大用有如天馬遭牽纏溢爲歌詩發奇
氣精偉卓絕百千篇况復好事及朋友搜討佳什付雕鐫我生
固蔽兼躁急君爲開正藥其偏又推臭味引同調自顧下里慚
喧傳邇來世事浮雲改念我衰朽難安全此意不言我默感臨
風北望徒拳拳

近代詩鈔

周家祿

家祿字彥昇江蘇海門人優貢生官訓導有壽愷堂詩
編

石遺室詩話彥昇詩余所見不多索之錄其朝鮮樂府
一卷見示老當無懈可擊今未選其和蘇堪登洪山閱
兵臺兼憶曩遊句云幕府勝談陪峴首上游清望繫神
州洪山爲張廣雅督鄂時大蒐軍實之地君曾參廣雅
幕

石遺先生枉贈長句次韻

東城寂寞動經年忽漫勞君枉贈篇興發湖山爭突兀愁深江
海阻沿緣倦游且作躬耕計飽食猶思博奕賢料理叢殘身後

近代詩鈔

周家祿

集閉門何暇更憂天

石遺見示寄蘇堪詩再次韻

屈宋風流盡閩江得二賢鄭一時有陳嶽淵互淳峙圭璧各方圓
白髮何須諱青編已足傳更尋耦耕約東海有桑田

壬寅入都

澍雨經年不入城黃沙無稅滿瑤京莫貪良夜頻相過更恐官
司禁月明

近代詩鈔

葛道殷

道殷字心水湖南湘鄉人布衣

別叔伊式卿

道殷居海上八年知交中能文章而得性情之正者叔
伊外尙有一胡式卿適鄂省輿圖局開調道殷承乏行
有日矣式卿贈以駢體文叔伊贈以長句期許之詞不
同意則無不同也尤愛叔伊之詩音節古正穆然思深
不禁短句答之

信有三生石來尋海上因沈吟期許意都是眼中人

長夏讀經憶道友解悟二章

太白牛車識者稀河源盡處得支機自從三宿空桑後不信人

近代詩鈔

葛道殷

一

間有是非
貝葉翻經萬古傳
盲人捫象罔譁然
涅槃四百皆魔說
最上乘
禪不是禪

近代詩鈔

簡朝亮

朝亮字竹居廣東南海人諸生有讀書草堂詩

客館邑中曾氏草堂

板橋松路入莘村
小住疎林近水園
好鳥呼人多種樹
閒花行影自知門
遠看野色過春籩
倦止書聲話晚尊
笑我邑人還是客
客居初作邑居論

送友人北上

百年意態何曾異
却喜聞君有遠行
慷慨古稱燕壯士
衣冠行見魯諸生
風船獨火江神動
驛館寒山夜語清
報道北梅花事好
歸來攀折一枝輕

韓文公釣魚臺

近代詩鈔

簡朝亮

劉生詩句區生序笑汝相尋寂寞濱何事陽山關路遠竟來同
作釣魚人

嘉木坐石磯
投竿而漁

韓文公劉生詩云南海有區生遠者投劉生者與之師命也又送區册序云

寄酬梁大鼎芬

草堂百事不吾知松竹當門水綠漪猶笑點塵飛欲到誰歌防
有鵲巢詩

焦頭上客負前身曲突纍纍告徙薪曾幾太邱車馬會萬言宿
草意如新

近代詩鈔

金石

金石字夔伯浙江會稽人有塋自寬齋外集

贈石公

石公居在盍山麓閉戶著書甘陸沈訪君幽徑想濠濮投我新
篇如谷音詩界漫從禪理證霜華早向髻邊侵槁梧坐據足消
日任爾成虧昭氏琴

壬寅中秋夕

冰輪穆穆漾金波可許纖塵點碧羅詩界華嚴彈指變酒人肝
膽得秋多未應銀漢橫流急却悵璫樓好夢過搔首山河明影
裏西風無限樹婆娑

近代詩鈔

夏煒如

煒如字永曦江蘇江陰人恩貢生有鞫錄齋稿

金子山幽林覓句圖

選聲主和平命意貴奇警當其刻入時每欲萬緣屏結廬雖遠
人尙苦未閒靜叢叢此新篁午日不見影泉光寫泚融石色助
孤冷兀然坐其閒佳趣恆暗領心源一以淪汨汨開靈境允將
造古淡豈特豎茗穎吾儕困寒氊有思不能逞安得儷高蹤盤
桓忘晝永

癸丑正月十一日次石山人見招午飲逮晚方散紫庭王

丈復具杯酌相延遂至沈湏二鼓還家得讀賡九惠詩

循諷再三不能自己倦極就寢曉鐘甫動倏然而醒追

憶佳章歷歷在目因於枕上和之

看花須及晨嘗荔必親擘稍緩芳腴減此語聞自昔閨裝固隨時太豔恐非嫡軍志固貴銳太剽難逢敵吾儕負瑕釁豈敢憚指撻所患祈嚮迷俛俛墮昏黑先生性嚴冷不願俗手炙老梅挺奇幹野鶴排勁翮我於塵海中遇君如古德一喝三日聾奚止清磬擊

近代詩鈔

趙光榮

光榮字子枚江蘇丹徒人有百尺梧桐閣詩選
邗上

高下啼鴉逐冷晴垂楊髡盡野蕪平淒清猶咽紅橋水一片斜陽出舊城

于曉初於城西闌地築屋數間已落成矣旋以陰陽家言爲易方向遂重葺之時值菊花大放宴集賦詩卽席書贈

煙景規摹墨未乾向陽結構又重安先生真比愚公巧移轉青山對面看

黯淡秋陰一徑開踏殘黃葉與蒼苔於今始信花真傲也要詩

近代詩鈔

趙光榮

一

人冒雨來

近代詩鈔

關棠

棠字季華湖北漢陽人光緒乙酉舉人官羅田教諭

己丑十九日吳淞北行海中遇風雪二十四日大沽候潮

用東坡出峽韻同伯晉蘇生作

千花滯春江遵海得清曠十日溷芳塵登舟寄孤暢
僬僬僕走下牀牀客分上乘桴九夷俱望友三益訪舊雨
新喜見今游後難忘笑語谷雷礪深談溪泉漲房蜂雜
主賓坵鮓錯盆盎宵臥紛酣夢晨興愕奇狀
蜒雨晝既霾沙雪宿加釀風排羣足跛波震余心蕩
膨腹雜若糟泔頭眩迷向屏息求安隱揮手謝供帳
屢簸豆躍箕欲鎔金失壙正命知平生危想入譎誑
水裂蛟窟眠溘落魚腹葬杙隍歷昏旦在險氣逾王
窺窗掛桅燈欹枕打

船浪衆中能賭詩病起詎扶杖奪席肆幽探倚壁接高唱忠信
愧波濤顛連存想像狂瀾世終迴斯文天不喪潮來丁字沽矯
首倏尋丈

近代詩鈔

沈瑜慶

瑜慶字愛蒼號濤園福建侯官人光緒乙酉舉人官至
貴州巡撫有濤園集

述憶

有序

吾鄉林范亭先生名廷禧閩縣人九歲有神童之目應
童子試作童子不衣裘裳賦援筆立就起語有十年曰
幼五尺稱童句一時傳誦遂冠其軍弱冠成進士觀政
郎署京察一等簡放雲南迤西道值回變衣冠坐堂上
賊以矛陷之立殞一妾殉焉瑜慶聞先公言先生性坦
易神情瀟灑當時賢士大夫樂與之遊善飲能詩而不
以詩名下直時過從恆抑鬱若無可告語失後母歡門

庭之內扞格勃谿有未可以常理測者心焉憫之先生終未忍以相語丙辰以後宦轍杳不相聞林歐齋方伯言其正命時京師未得耗中夜輪直樞廷入城見有迤西官燈前引雲車風馬馳掣而沒逾月而驚報至大吏避嚴譴以微詞蔽先生後經昭雪廕恤如例先生無嗣太翁狼狽歸有弟不才稿餓以死己卯先公由金陵寓書林勿邨中丞請擇其族人嗣之以千金置祭田並將木主配食西湖宛在堂蓋開化寺旁舍鄉人以祀閩中詩人林子羽以下十五人者也先生丁家國之變忠孝凜然既不獲歸骨詩亦散逸無存悲夫先公爲謀血食藉慰忠魂九原可以無憾瑜慶得聞其略未及詳請其事今又二十年恐久而失傳并沒先人風誼緣起也長

句紀之聊備志乘採擇並待鄉人之譖先生者證之光緒丁酉五月十八之夜

一燈相對話疇昔往事前言忍棄擲談史傳書執手悲萋弘化血傷心碧神芝突出信無根出言長老驚辟易弱冠登朝衆所傾獨居深念愁難釋斜街花好時過從先公京寓作達微言隱相釋一朝持節滇海西就道從知心匪石雜耕未安反側子倉卒彎弓反相射大夫守官妾死夫官閣殘骸憐枕藉家國之窮恨有餘忠孝粗完心未適名流剪紙爲招魂萬里天闈來咫尺江南垂老念神交爲買墓田展宗祏家室漂搖事可知湖山香火分茲席春渚蘭泉例好事樊榭山谷合相惜王蘭泉湖海詩

山子沒後十四年何春渚淇于榛莽中拾得其栗主送黃前峯輩風流事可師我爲傳志勤拾摭當時相詔未致詳述德感懷傷永

夕

壬辰四月余管江南水師學堂值新寧尙書大閱禮成方盛服陪侍有韎韋跣注趨而過予則雲南鶴麗鎮總兵朱公洪章也款曲傾吐立談未能畢其辭遂並馬出城到龍脖子則豐碑屹立曾威毅伯爲公紀所部四百人同日死事之壘也正值忌日健兒具酒脯待公奠畢與余登鍾山絕頂指示賊所築天寶城者拳石列坐下瞰形要遂縱所談公貴州鎮遠人益陽文忠爲守時以親軍從殺賊文忠甚壯之隨下武漢匪役不從文忠母壽諸將畢賀公中酒爭坐傷其曹文忠辭焉密風曾文正收之遂隸曾部與畢公金科攻吉安賊文正以憂歸江撫滿州某公挾糧台夙嫌靳餉促戰畢公戰沒公突圍

奪尸歸文正再出令選精銳數千人從威毅擣金陵時威毅所部皆楚將公以黔軍特立有危險事公任其衝以此知名威毅亦信任之開龍脖子地道垂成而陷四百人無一全者公僅以身免二次地道成威毅集諸將問誰當前鋒莫對公憤退而出隊從火燄中躍衝缺口上賊辟易以矛援所部肉薄蟻附而登諸將從之城復論功李公成典於克城之次日以傷殞威毅慰公以李列首公次之呈報安慶大營文正按官秩敍先後公列第四故諸將有列封五等公賞輕車都尉世職以提督記名而已公謁威毅語不平威毅以鞞刀授之曰奏名易次吾兄主之實幕客李鴻裔所爲高下也盍刃之公笑而罷湘潭王闔運成湘軍志乖曾氏意威毅使東湖

王定安改訂之亦緣官書未改正公前事時承平日久
公感髀肉之生不能無缺望於威毅因論其書至抵几
而罵威毅雖優容之新進排擠幾不能自全公慷慨爲
余言余許爲文或詩頌之久之未就甲午東海事起南
皮張公移節江南檄余總籌防局以將才爲問首以公
應南皮亦夙耳其名令募十營守吳淞在防各營統歸
節制嗣移駐江浙連界之金山衛修台築壘市廛不擾
軍民肅然公久廢驟用又嘖暗宿將同事者輒訾議牽
掣之使不得行其意未幾傷發沒於幕下南皮公屬余
草疏請卹於朝遂得以所聞於公略敘曲折得旨賜諡
建祠飾終典禮皆從其朔公可以掀髯於地下矣余因
曩言不敢以負亡友略具顛末賦詩紀之雲霄張日庶

無諾責

每飯意不忘鉅鹿眼前魏尙翻爲戮少年不自惜功勳垂老對
人羨蒲穀蒼頭特起黔中黔太守益陽與薰沐潁川罵坐雄萬
夫酒失豈真棄心腹一爲楚將亦冠軍遷地爲良敢雌伏屯兵
堅城勢欲紕連營百重氣轉蹙忽驚地道墮垂成四百兒郎糜
血肉卽今豐碑龍脖子空使詩人歎同谷破敵收京誰第一再
接再厲瘡痍復衝鋒讓前受賞同公等因人何碌碌當時大樹
恥言功今夕灞陵還止宿文吏刀筆錯鑄鐵幕府文書罪罄竹
誰知東海又傳箭矍鑠據鞍更踟躕不侯枉自矜長臂再植何
堪擬羣木飄零草疏訟陳湯鼙鼓聞聲思李牧白首忘年悵較
遲奮筆成詩助張日行空甲馬如有聞我有長歌方當哭

川楚江漲饑甚宜昌當其衝南皮公疏聞旨發內帑五萬

兩賑之余居宜三年不能無情亦倡捐以廣公之意系之以詩

流民一疏最悲辛
覘國從知大有人
敢以艱難勞聖主
誓將匍匐救凡民
汎舟相繼愁防汛
嘯聚何辜且療貧
我有三年桑下戀
少紓願力也前因

鄭肖彭刑部改官吳中出都分手一別經年懷前事却寄

南頂歸來便僵臥
無賴長安夏難過
爛飲况爲汗漫遊
烈日敝

車任顛簸廣文愛我苦語侵馬耳
東風吹隔坐翰林陳誠齋束手

舍人鄭蘇齋笑金火中燒濕土挫君獨洞見垣一方
乾薑石膏相

間和三月扶杖漸能步騰沸羣疑茲始破
名心已死口難饜庚寅

後不復與試乞外推鹽當清課彝陵訪我山水區
前事在莒戒無惰

木樨香重蟹子肥千里吳船致包裹食之百日作寒瘧
杜老韓

豪無可奈清晨飲我竹葉湯頓得安眠解束縛從知技也通乎
道南人不反君勿唾都下貴人惜國醫吳中幕府盛賓佐時參
文願君袖此煦物手一爲吳民起沈羸孟河老費亦專門藥不
及病計終左寄語故人頑健多日長且以詩相磨

哀餘皇井引

光緒乙亥日本構豐台灣番社先子奉詔視師勒兵相
持數月日人情見勢絀願繳營壘軍械作價四十萬元
就款言路騰謗以爲縱敵先子不爲動師旋遵旨復陳
練兵籌餉製械儲材遊學持久六事請飭各省合籌每
年四百萬金分解南北洋計日治海軍期以十年成三
大枝彼時遊學者亦藝成而歸製船駕船不患無人矣
又恐緩不及事請四百萬儘解北洋先成一軍再謀南

洋蓋處心積慮並日兼程猶恐失之嗣北洋徇言官之請挪海軍款濟晉賑先子以爲大憾奏請前款仍分解南北力疾遣學生出洋監造鎮遠定遠二鐵艦而先子病遂不起易簣前夕命慶瑜就榻前口授遺疏先是日本夷琉球爲冲繩縣庶子王先謙疏請伐日本廷旨飭議未及復奏至是遂言天下事多壞於因循但糾因循之弊至於鹵莽則其禍更烈於因循日本自台灣歸後君臣上下早作夜思其意安在不可謂非勁敵而我之船械軍實無改於前冒昧一試後悔方長願皇上以生安之質躬困勉之學所謂州來在吳猶在楚也疏入廷旨促辦海軍合肥亦悟北洋海軍權輿於此而出使大臣李鳳苞請廢船政謂製船不如買船而已私其居間之

利後希中旨者又挪海軍款辦頤和園工程甲申一挫甲午再挫統帥不能軍閩子弟從之死亡殆盡無更番之代犄角之勢專一之權以至於一蹶不可復振淮楚貴人居恆軒眉扼腕曰閩將不可用海軍難辦噫真閩將之不可用耶抑用閩將者之非其人耶纍纍國殤猶有鬼神此焉可誣而今日之淮楚陸軍何如乎是可哀矣吳公子光曰喪先王之乘舟豈惟光之罪衆亦有焉長歌當哭遂以哀餘皇名篇

城濮之兆報在邲會稽已作姑蘇地或思或縱勢則懸後事之師宜可記昔年東渡主伐謀嚴部高壘窮措置情見勢絀不戰屈轉以持重騰清議鐵船橫海不敢忘明恥教戰陳六事軍儲四百餉南北并力無功感盡瘁宋人告急譬鞭長白面書生臣

請試欲矯因循病鹵莽易簣諫書今在笥蓄艾遺言動九重因
以爲功宜可嗣誰知一舉罷珠崖東敗造舟無噍類行人之利
致連檣將作大匠成虛位子弟河山盡國殤帥也不才以師棄
卽今淮楚尙冰炭公卿有黨終兒戲水犀誰與張吾軍餘皇未
還晨不寐州來在吳猶在楚寢苦勿忘告軍吏

濤園

國初許國先生別業周櫟園贈句云文獻舊家餘
碩士河山故國有濤園庚辰余購之營先公專祠

故山有賜祠厥初名濤園二百四十萬買價具券言許氏作別
墅遺民留清門甌香擅風雅文采光子孫松嶺緣細路半淥流
其根竹垞刻石在櫟園贈句存金石富北宋般若碑獨蹲相度
孟夫子攷工高墉垣劉段助金錢蘭州觀察
培源都轉此意矢弗誼吾母
耐信州天語今猶溫同德百世祀故鄉例可援名臣與名士異
代聯淵源爰拓東偏樓香火棲詩魂祀歐香
先生相得此益彰千載

甯爭墩龍吟有獨樹手植茲益蕃孫枝看出林書聲開西軒纍
纍荔子實宦夢忽驚翻周遭二三里猿啼與鶴怨船官有子弟
春社陳蘋蘩而我獨栖遲花期負上番三碑煌煌峙不朽真殊
恩任子誠戀棧何當酬至尊

九月十二日讀舊唐書裴晉公李衛公傳各系一律

戎機定策對延英慷慨聲情毅請行幕府白韓擅文字後生牛
李競功名東都晚歲多新構河朔頻年未解兵減落平章閒節
度老來到底意難平

料量丁壯蒜山度進奉文章丹宸箴淮甸師興寒賊膽維州事
去快戎心功名一代恩中絕朋黨三朝怨更深老死蠻方應不
恨孤寒下淚到而今

詠史寄虞山師

近代詩鈔

沈瑜慶

七

留侯誠天人商山友四皓強臥傅太子辟穀苦不早處人骨肉
間憂虞能自保君王共患難勇退要有道海上安期生授我如
瓜棗

洛陽之少年夙負天下望欲笞中行說立談取卿相絳灌既不
怡遂有長沙放宣室問鬼神前席重悽愴展轉就梁王忽忽意
不廣左右以諭教爲傅乃無狀

蕭生亦可哀儒術益高致輔正領尙書前朝與政事中間以毀
廢舊制病更置尊師而重傅恩禮會有異門下士朱雲底用多
風議不見安昌侯已請肥牛地

東南有遺寶李唐留舊臣周旋二姓間終不失其身衰年多念
慮薦士殊悲辛好漢張柬之夢語如有神朕復子明辟具禮歸
天親古稱天民者梁公如其仁

臥內有山人來自嵩穎間早櫻楊李忌託疾歸衡山彌縫父子
中神仙時往還豈真由詭道抑以匡時艱物論或未愜蕭然有
餘閒

夷簡非相才一長終可許調停兩宮間進退非首鼠母子恩如
初廟社晏鐘簾女中有堯舜後來司馬呂中傷忽流言舊事從
毛舉社飯念老身臨分聞苦語

堂堂張太岳威重真空前倨坐引朝列尺書行九邊選將鎮遼
薊陳義高經筵慈聖隆保傅官家方少年手敕備恩禮錦衣籍
土田往事類如此後來獨誰憐撫箏望桓伊慷慨聲回天

雜感

百年盛舉勵顏行萬騎雲屯待鞠場父老歡呼望天日君王神
武類高光

一疏分明見典型却從文字費調停鴻都門外車千乘半學方
言半寫經

功名晚歲事多憂去就如今豈自由客子西來須檢點關中頽
喪老穰侯

絕學師徒抗孔顏詩書一例可修刪誰知論薦交章日清夜掀
髯草辨姦

萬國車書事豈無宏開賓館照通都何人品第丹青手待寫他
年王會圖

聖明不諱豈招尤一紙風行速置郵正苦線裝充棟在更繙蠻
語作蠅頭

不明牛斗獨靈箕隸圉風流盛一時憶與羣賢游洛下何曾數
有蔡充兒

不適駕言以寫憂友朋謂我且方舟平津邇日開東閣抵掌書
生萬戶侯

賈誼

漢家起草昧百度方經營書生擅制作天人發皇明兩者既相
須蒲輪宜歡迎云何乃自鬻上書鳴不平既非豐沛舊痛哭疑
非情帝后好黃老吐屬厭儒生屏藩諸侯王大者方百城功狗
與龍種馴擾宜勿驚投分既深厚從容戢亂萌道合古有訓交
淺言亦輕染指念覆鼎嚼蠟思調羹乃知士不遇不如退而耕
麒麟嫌突兀鸞牡終安行君臣每俱失所懷空崢嶸

鼃錯

老父抱幽憂知囊不解事親支貴梁王反骨疑吳濞高帝之子
孫帶礪盟裂地天下乃公器翦桐古無戲衆建以屏藩豎儒乃

異議謗咎之所歸取爲一人媚帝亦刻深人居守終遭忌縱無
袁絲言豈免市朝肆刑名輔少主弊事襲秦季傾危骨肉間因
緣以爲利賢者引當道違復論趨避正以言謀身須臾不可棄

題崦樓詞卷

婚嫁願初了吾欲老邱樊志業既不遂矧乃衆論喧勞生昵兒
女息影求田園邂逅記當時年少王公孫詞女得所適食貧宜
清門名聲忌藉甚論詩耽鈍根書叢恣冥想置筆窮溷藩一朝
忽舍去肝膽奉至尊論思任親切旬日看翔鶴士論謂庇主子
弄疑推袁諸侯誣萋叔太學訟陳蕃成仁他弗恤羣吠安足論
詩卷留天地千秋晚翠軒勁節耐冰雪忠魂依天闥崦樓絕妙
詞合校聲暗吞酬子噉名意空船啼哀猿須臾忍性命待子理
覆盆抑情更感逝腹痛能無言鍾山那子翁晚歲彌溫存結構

決明年突兀懸江村

時家書有卜築
海裏之議

老夫謀少憩精衛方銜冤

百步廊邀墨園伯嚴同作

十笏官園百步廊匝月木石虛平章蘆簾棊几閱清晝磨詩削
牘嫌相妨逍遙散步苦無和起予千里來陳黃瓣香共祝滄趣
老江海弟子遙相望我生慣作合并想插架猶使聯雁行能事
相逢况並世前除置酒須盡觴湖海樓高據白戰高挹廬阜俯
甘棠邇來悲歌滿燕市書生咕嗶韜光芒浮屠三宿有餘戀名
山一席誇誰強眼前儘作蒼茫勢起伏蒼翠盈巒岡得月較遲
却宜雨更有蕉竹生夏涼棋聲書聲晚相答入夜鳴瓦聽浪浪

至滬呈子培伯嚴樊山節庵四首

高層擁被幾多時下界人來漫與之念我生還頻問訊喜君作
健老耽詩十年前事從庚子一月流光送義熙丈室降魔鬥千

勝金剛努目要支持

萬里歸從海上看
兩家海外有號寒
釀錢且博連朝醉
哦句先求險韻安
詩卷噉名寧早計
函書慰意強加餐
相蒙相忍無聊甚
骨肉間關事至難

社飯明年念老身
艱危定策失勞臣
亡羊我與君無策
得鹿醒疑夢是真履
道為墟同傳舍月
泉重集共酸辛
九原倘起梁公問
厝火誰遺曲突薪

崇陵遺命奉行未竟卒
留大愁豈所及料哉

武昌官柳向誰栽
詩酒料量幕府才
雪往已增今昔感
星行况復亂離來
衙齋運甕人何罪
上堵聯吟事可哀
契闊死生重執手
戰塵猶問兩京梅

展墓雜詩

司空已竭水衡錢
比死難忘子弟賢
江上嵯峨遺廟在
不堪方

丈會人天

岐中

奔湍十里傍山行
亂石澄沙作鏡清
腸斷父兄攜我處
白頭來此聽溪聲

馬坑

別墓飢驅事可哀
梅亭松柏記親栽
兩行家國倉皇淚
新自崇陵捧土來

梅亭

臨風酌茗麤蘆店
歇擔聽泉玄帝亭
不惜餒餘留草草
媿無健步踏青青

先公遺訓子弟步行上塚處
蘆店臨風酌茗大有佳處

休寧聒絮課諸郎
一第承家晚可傷
別十五年慳一面
讀書有種已無香

中軍后芷
春十兄

老屋欹斜一徑幽
廣文教授足風流
人間星宿猶無狀

篤初夫
喜余公

婦私語叔母云二
人必是宿下齋者腹痛經過八角樓

八角樓

失怙逾年主器傷
亢宗如汝亦先亡
諸孤刻苦饒家法
裕後知

近代詩鈔

沈瑜慶

十一

爲弈葉光

曾丹

太守清風笑吉安蘭溪高論亦酸寒莫愁橐筆長爲客久宦能
貧可是難

東魯兄弟

只有廣場供打麥猶聞遺事話燒烟驂鸞一去無消息化鶴歸

來不記年

拜林文忠公墓

燈屏絃索列分曹郎罷新詞狡獪多爲戀土音慕君子聽翻京

調作洋歌

如賽颺樂部

林文忠手札題後

子培宗兄出示外祖林文忠公與令祖侍郎公手札累
册計三十餘頁自外任杭嘉湖道以迄雲貴總督首尾
畢具可稱完璧因將兩家年譜詳校年月廣徵題詠以
備掌故附五言古體一首並乞正和按文忠公鄉榜爲

嘉慶九年甲子時年二十就旁邑記室以所削牘見賞
於閩撫張公師誠遂延入幕是爲知名之始會試爲嘉
慶十六年辛未出侍郎公房時侍郎年三十四文忠二
十七也文忠嘉慶二十五年簡任杭嘉湖道所署八月
初五日一箋中述帶家信過無錫事卽庚辰八月侍郎
以翰林院侍讀視學湖北差滿還朝眷屬省親在無錫
時侍郎年四十三文忠三十六也附函八月十二日聞
仁廟升遐蓋七月部文八月到杭也所署子月一箋侍
郎手批十二月十三到當係道光二年壬午侍郎典試
福建卽留視學文忠權篆浙鹺旋授淮揚道時侍郎年
四十五文忠三十八也又署九月十一夜一箋失去前
頁亦同時所書又署嘉平望後一箋賀權副憲之喜當

是道光十一年辛卯文忠任湖南總督時侍郎年五十四文忠四十七也另箋一紙當是乙未年文忠以江蘇巡撫赴江寧入闈監臨侍郎以安徽學政赴江寧考試錄遺總督陶文毅公主試卓海帆相國皆侍郎會榜同年繪乙未入簾圖各賦詩紀之時侍郎年五十八文忠五十一也又交卸兩廣督篆後一箋當係道光二十年庚子九月燒烟翻案後所書侍郎已於戊戌六月開缺留京養病文忠旋遣戍新疆時侍郎年六十三文忠五十六也又入關署陝甘總督一箋當是道光二十六年丙午春初作侍郎於是年八月南歸矣時侍郎年六十九文忠六十二也最後在滇督任內一箋有補寄去年壽屏之語末署六月中澣當是道光二十八年戊申六

月時侍郎年七十一文忠六十四也文忠生平持論以爲交際啓事第憑尺一以通情款於此而不竭吾誠烏乎用吾誠公既擅絕詞翰復篤於師友淵源雖羽書旁午親切函札從不假手於人僚吏稟牘寫作佳者每親自批答圈點付還時先伯祖蔭士公在幕中問文忠得無嫌瑣屑耶文忠曰寒士緣此增重官吏亦緣此加意佐治人才所系固不細也先祖癸巳會試道出吳門問文忠向物色尺牘人才今得其人否文忠云聞湖北藩署書啟李君嘗從陶雲汀宮保處知其人詞翰爲天下第一前歲託人以千金聘之已辭館入都會試得館選矣所謂李君者卽湘陰李文恭公星沅時方爲孝廉後代公爲欽差大臣督辦廣西軍務亦卒於軍者也因校

對文忠手札年月并記趨庭時所聞於先公者以歸子
培幸賜裁正乙卯人日

漢人重師傅唐宋優科第關節絕貴游寒士稍吐氣侍郎與文
忠相知以文字考官賀得人龜鑑徵古誼卽今論沈瀼嘖嘖稱
當世公述祖先言我悉外家事典學與分巡浙閩巧易地感激
酬主知過嶺干吏議荷戈復持節蠅頭猶壯志未馳滇池書補
壽還山歲未荒陸氏莊及掬寢門淚一德傷中絕萬里豈棄置
再召虛宣室乞歸三致意君罷配天詔宣廟因粵案隱痛臣亦
遺詔罷配天之祀賈志逝平生重師友款曲擅書記後起賞長源落星追管桂遺
墨經散失珠還殊可異甲子逾一周諸孫亦老至珍重付裝潢
人物勤紀載匪獨數家珍亦用稽昭代

宛在堂落成示林惠亭劉步溪

重見西湖水接天還將餘潤溉多田公孫舊德稽圖志道光二

居忠公自杭嘉湖道以爲養歸倡議此重濬湖惠亭董其役悉依前志積

初址兼及城內春河盡去年冬 離尹常平索社錢除集捐外濬湖宛之

穀款皆索還驪署所欠常力爲多 未信風流無嗣響何曾賓客減

當年雌雄杭穎吾何敢秋菊寒泉薦水仙

由戒壇至潭柘得六絕句

重樓複院費搜尋小試山行本不深一枕思量無限事滿山風
雨作龍吟

金光示夢託幽州儒佛平分願力周別縉答書稱精絕太平相

國擅風流讀壁間大興朱文正公

前身合是此山僧醇酒婦人病未能晚歲詩篇傳集錦兩朝涕
淚在金滕

集中草木記南方入洛叨陪榆柳行昔笑支離今亦叟爲君哦

句向真堂

文僧房有張像

連理中分事可知一時附會亦傳疑神孫隆準多駢脅強幹何

因有弱枝

潭柘杏一株駢樹根分幹俗呼爲帝王樹

松陰中著一亭閒捫腹逍遙散步還五月行人不知暑拖綿帶

夾總潺潺

同林松明王鑑清攜寶珠肯地游金山塔順道訪石倉

園

詩篇唱和趙十五

莆田詩人

儒藏提攜卓長君

石倉二氏經藏甚多

轉以衰年虛問舍何堪劫後更論文中流湍急金

修儒藏卓長君洪塘妓

山塔橫吹紛飄白練裙挈榼飛觴留續約江聲月色要平分

近代詩鈔

陳 瀏

瀏字孝威號寂者江蘇江浦人光緒乙酉拔貢官福建

鹽法道

題郎世寧聚瑞圖

著書忌太早謬種恐流傳紫垣

極耶廷

屑寶石朱明別萬宣皆訛爲世寧郎審紛喧闐近有飲流齋說

盜魚忘筌謂宋無欵識豹斑窺未全夬庵廿七器

壽州孫氏藏宋器之有款

十者凡二一一在眼前謂元無底砑蔣盤

辛辛年蔣花所藏有至正元

字 我有涎底繪雙紅魚聖澤寔滿填寶嗇誤李錯陶工玄又玄

弗可僂指數更僕婁遷延無端禍梨棗市利專其權而我所著

錄晨夕勤丹鉛惜哉未成書刪削須重編風行海內外慚汗安

近代詩鈔 陳 瀏

可湔

余說未書凡九種內有陶雅三卷未及釐定而子輩之說有許氏者屬以燕說百出貽害未學故不能不辨

昔我鬪杯堂長鯨吸百川藏弄不為薄略似米老船捆載辭神京勞累費青氈一朝華堂傾心目空眈眈獨夜發長歎膏火隱迫煎今者披茲圖挑鐙難成眠引伸其舊說作繭自縛纏儻成一家言持論毋乃偏

酌鄴曰縹瓷潘

岳

賦詞連牻豆青仿縹青碧色何嬋媯哥窑貴

黯澹

若灰褐者菜褐若魚米若尤樸儻

不以色爭妍弟窑類豆

青一名為龍泉龍泉不仿柴仿晉其或然晉柴分兩派相去猶霄淵一綠而一藍各不屬恩焉豆青之深者豆綠絕可憐天青之深者天藍又頗鮮藍之幽沈者東窑所陶甄東青非冬青魯亥滋舛沿哥窑無豆青哥窑皆為豆青蓋豆青之盛始於康雍其

在元明時仿龍泉二色亦初無豆青之稱也項元圖器詎鑿穿弟

窑無天青朱

琰

說

陶

手自箋

世寧所畫者瓶色青如天是為宋官窑冰紋

宋官之冰紋最良

能及

漫

平

鈎連通體坼大片肌理緻且堅仿哥紋稍麤小片鬼

斧鐫內司

修內

仿柴周時代有變遷雨過雲乍破天色青娟娟

東青所自昉有若花微薦汝均迭摹擬廣甌交芊緜瓶項頰而

肥瓶腹則便便帶圍五六級環形互連蜷命名餽餽

餽餽此

海王村通稱作薄油錘者俗字嫌拘牽比之玉帶生亦未得真

詮

茲圖花重臺厥惟並蒂蓮蓬已結子蓮葉復田田媵以雙穗

禾嘉瑞誇珠聯宋畫工體物寫生功貴專世寧西洲產畫法

參圖

用界能精研淺深入毛髮神妙秋毫巔南沙暨小山未堪與並

近代詩鈔

陳瀏

一一

肩懷仁暨若望輝映相後先當時盛文藻南齋多名賢云何闕
題詠寂寂同枯禪憲廟於詞章過眼等雲煙匪如純皇時賡和
連蓀荃

畫成雍正初紀元甫三年仲冬十五日署款字聯翩節名月當

頭皓月何其圓是日我生日賦詩者坡仙有菊卽重陽菊花開時卽重

陽東坡十一月十五日詩也豈必被管絃或曰我宜有傾囊何論錢我詎奪

君好幻想寧非顛宋鐵成濬兩詩人徐公敬與周旋三賢實贈

君其價三百千君當世守之而焉能舍旃我年且六十來歲張
廣筵君何以張我願寵以詩篇

近代詩鈔

王允哲

允哲字又點號碧棲福建長樂縣人光緒乙酉舉人官
安徽婺源縣知縣

石遺室詩話又點夙工長短句能爲玉田碧山語晚刻
意爲詩善於審曲面勢筆意力戒凡近惟苦吟鍛鍊或
旬月而始脫稿故傳作不多

南後街燈市

幃紗糊紙剪玻璃春到鄉山例一嬉借地繁華能幾日隨人指
點且移時酒壚隔巷懷良慰書肆連牆憩更宜一事未輸姜石
帚乘肩小女晚相隨

舊買盆梅秋後尋之不見悵作

近代詩鈔

王允哲

今春客舫載花歸載得花歸葉已肥未及再開教失主每回略
憶欲霑衣物微所嘆人情惡歲晏從知老願違斷卻明年惆悵
種綠枝黃實雨霏霏

甲寅二月至津衝雪訪薑村同年十月再至則赴奉天矣

寄此奉懷

析津街頭一片白孟莊樹色人人識凌兢至門不候報直走松
根叫相覓寒多命酒那及事火急出詩煖征客乍開但覺眼光
眩細讀頓寬心地窄瓊瑤萬頃踏不碎忍凍行慈真有力

公詩有瓊

何瑤踏之碎吾

天公愛詩不慳雪更着邊頭看雪色高懷妙手已難

當美政清輝况相發三年兩載料理成放君歸掃松根石

和詩廬作竟見秋岳原唱甚美依韻再和時甫移居

持錢人海賃一廬不如賃驢隨所如驢行帶得兩眼出居廬屈

鬱日受蒼蠅圖蠅來嗡嗡繞我筆笑我何爲明得失既不能含
糊而潦草曷不歸歟捨廬驅驢而上道

于役書見

幾樹蕭條遠見天一溪寒冷自生煙惠崇小景無人買挂在荒
村不計年

北山當面漫相迎仔細回看始失驚匹似老年溫舊學古人真
處忽通明

梅花

茆屋蒼苔豈有春條然曾不步逡巡自家淪落猶難管只管吹
香與路人

觀槿危病數月中間死且兩日矣述之甚趣爲作此詩

濁世日多聞死趣聞者稀觀槿死裏來說死殊新奇破地富貴

花揭天戰鬪旗死博有勝負死黨多是非是非從云云保此蛾
眉姬所見甚明白所處堪盤嬉理失忽難久志得終空歸鬼手
不妄取還君老與衰君手卽鬼手來往無一持因之識至道仰
歎天公慈天公終非慈不死夸奪兒死之更使寤世難當稍夷

挽濤園

識公始春官文囿同翱翔怨公久在仕雲路成參商喪亂得數
見抑抑神摧傷四維旣以壞七尺焉捲藏公死必天上我死惟
路旁我心冬江浪已凍無軒昂公魂抱日珥雖缺猶輝光報公
餘此詩此詩非挽章

甲午吟餘皇成詩何其哀庚子保南介籌策何其才崎嶇軍國
事欲以精誠開十年餘破車閱默隨風埃路人識中丞空館歸
去來破車今亦無影入蒿與萊再來逢路人寒涕同濯濯

晚翠千載人臨命能慨慷三年崦樓殉志亦無怨傷此義昔邱
山今棄如毫芒豈知精氣在冥漠猶公旁禮法泉壤有日月泉
壤光泉壤有廢和忠愛聲鏘鏘惜哉世莫傳傳之爲世坊
濤園前後松顏色青嶷嶷昔年種松人今作松間颺颺來如語
言仰訴先忠知全歸事則已永結脩門期南魂有北睠西日無
東輝靜夜不可聞松語酸人脾

公園步歸寄觀槿劍丞

苑牆斜日在平路偶來過送日憂能緩乘春氣覺和猶殘前月
雪欲漫後池波此際江南望風吹綠幾多

弢龕太保七十誕辰追憶曩昔山水之遊成詩三章爲壽
溪山尙久要愈遠意無盡平望一劣崩萬里入回眄往年從行
處拄杖破秋蘚岩花匪一狀磴路有千轉捫碑風濤亭朱趙散

遺躋石鼓山天風濤亭有時危思經綸道合濟忠響松門放

頽照顧見公已泫暮歸崖下宿聽水齋在畏虎慢不捲夜泉挾

霜鐘過去不顧返兩三好事僧束炬饋新菌公詩適先成更起

洗空盞爾時誰了知缺月掛西巘

用文讀書臺飛瀑過人首舍生求所安仗義賴良友元某路文

讀書小雄山洪武初詔徵不起再精誠互映澈人水兩無垢荒

寒五百年長為夜猿守舟晨發螺江繫榜日未酉陽光不到地

密竹倒天帚徐行中空明更進上蒼黝公齋着是間架構不傷

手萬鈞鴻濛力破碎浴戶牖危基環蛟蚪搖搖齧難朽同行黃

嘿與施觀色動那能久主人甚慰客異味遣燔甌身閒本不常

景妙况希有終當從鍊顏瓢飲更漱口

城南山稍稀石路寬且瑩百錢呼鳴篔簹呻軋頗清聽公家卅里

遙有暇卽乘興開懷索茗飲見面熱燈檠劇談同光際緬想元

祐政治忽理豈微多欲始違諍當時事未然明白甚看鏡艱虞

念朋友聚散異衰盛語餘必感歎更僕述難竟屬者來京師造

請無改敬初筵逢古稀佳句競投贈且當置不朽惟以永無悶

西山色半城晚菊香一徑年年今日會必愜君子性

黃坑道中

風光疑不到天涯澗轉坡斜着幾家稍見炊煙出叢薄尙無人

迹渡橫槎水雲俱冷不待雪草樹自香非有花想得前村錫粥

美數聲簫鼓賽年華

東鄉回大雨

白雲霧在前幽鳥起人側未知此何鄉欲輿向崖壁沄沄田溜

合浥浥山芳坼宵來春雨歎正換片時適午炊入地底探首復

異色壞雲齊壓檐
電倏穿腋轟
逐滄溟翻恐懼
坤軸塞後崦
未可知前陂牛已溺
低頭看衣履
招手隔僕役
人生卽事窮
俄頃有崩迫
急行取城闐
到眼忘所歷
景暗步履艱
路遠心甚直
二更鐘鼓停
據案得餐食
搖搖明燭背
文書已堆積

病起

老病千金藥
霜天一日晴
散頑在腰脚
回潤及心情
啄雀聲多喜
搖篁影自明
屋山敢無賴
尺許蔽崢嶸

投効後送姬人先歸

生世有百役
居官賤者倫
貧來冒賤事
既賤未免貧
回頭問所得
銖兩亡千鈞
半年一夢了
送汝寧沾巾
鄉邦重田作
時節盤食新
汝歸空庖側
取水酬汝脣
蓬蒿出日月
亦有昏與晨
藥餌大婦狎
書冊諸孫陳
隨宜得將護
有喜無患嗔
猶勝閉板閣
惻

我秋蟲呻歸歟
我未遠江路
方熟蕪

子益歿數日夜過其居同夢且談

晨步長安街
街葉翩以黃
暮歸南池子
零露霑我裳
葉盡秋卽盡
露冷夜亦涼
端憂無處所
忽復登君堂
衆雛漸爛漫
愛弟孤旁皇
靜夜不敢哭
撫昔追行藏
平生但任運
求伎知匪臧
見扼坐讜亮
垂老躋且僵
身謀今實繁
貴富未渠央
將毋惡可爲
欲言未敢昌
高標遠邁世
脩夜庸再暘
迴哀逐恍惚
倏與魂翱翔

懷石遺

兩載朋牋意未終
回頭長想石遺翁
牕前小竹波同翠
樓角疎花雨更紅
命燭縱談無不有
叩門求飲輒相從
當時只道尋常事
不道尋常事亦空

友人約看豹屏山紅葉

近代詩鈔

王允哲

五

日日閒行似有詩沿村傍郭返遲遲只愁歲晏無高意不識山
寒有別姿眼淨未妨親晚絢霜清更與永幽期鄉園半畝關人
處搖落芙蓉正爾思

題佛客雙辛夷樓填詞圖

短檻高花跡已陳夜窗殘燭夢猶親柳州有語分明在拭淚相
看是故人

題花影吹笙室填詞圖

有序

予十八九歲與李君佛客游自村入城恆主君家君盛
言詞有作必見示於是亦試縱筆爲之取逕不盡求同
而心實相許君之女公子樺清髻齡絕慧亦喜爲詞佛
客既沒予過視拔可兄弟樺清出所作請業吐秀詣微
深契音中言外之旨尤以石帚碧山爲歸予無以益之

也適孫生翊南不數載先後俱沒一女亦繼殞拔可悲
樺清甚既梓其稿復屬畏廬老人爲之圖短世露電中
追念香火前蹤一如夢幻泚筆記此不自知予涕之何
從也壬戌五月

然脂執卷記垂髻千劫晴窗影未銷坐斷秋風來往路是身爭
免似芭蕉

阿兄江雁久離羣一世清愁付左芬頭白還鄉無哭處斷墳衰
草沒斜曛

並世何由見此材寸腸迴盡便成灰惟餘小淑無言在生死天

涯共一哀

小清外保與遺孤倫比亮祺死
弟淑也余居滬時小淑以詞問業平生所見詞中表

近代詩鈔

林崧祁

崧祁字述菴福建侯官人光緒乙酉舉人有遺詩一卷
石遺室詩話述菴少與林畏廬紆及林某在里中有三
狂之目所爲詩皆祈嚮吳梅村黃仲則諸家畏廬老而
棄其少作述菴早卒茲存其較真者數首

花朝柬陳績齋

一枝和露供齋頭笑問花神識我不百歲幾人常對酒千金欲
換更無裘蕭蕭風雨相如壁落落乾坤太白樓身世浮沉休便
觸遲君來醉碧桃甌

鄭子璧侯

大雅春容迥不羣歲寒高誼獨推君黃金鑄膽真如水白髮盈

近代詩鈔

林崧祁

一

頭屢望雲才調讓人甘百里文心比髮細三分落花芳草春深
淺何處風前繡蝶裙

臺江卽事

背人小縮髻了义隔著床帷六幅紗隱隱衣裳作雲氣水晶簾
外望梨花

輓林少溪

少溪琴南弟航海死臺灣

牽裾惘惘去遲遲便是人間死別時篋裏賸將慈母線扇頭留
得阿兄詩龍蛇嫁阨天難問烽火橫江病不知搔首爲君添一
慟可憐生是好男兒

觀琴南作石頗有所悟

渾沌乾坤鬱古胎雲根歷劫委蒼苔偶描色相存眞品太露鋒
稜已不才千古石交有頑鐵一燈禪悟啟靈臺空山獨抱風霜

感可有情天待補來

送許蓮蓀之臺灣省親

別意無多盡一觴虎門形勢鬱蒼蒼天憐孝子帆無恙海畏才
人浪不狂鴻雁江湖夢禾黍鷓鴣煙雨繞桄榔東南孤島誰籌
問萬里中原付夕陽

鼙鼓年來算息兵海天一髮望臺澎傳經有子知名父投刺無
門見世情一事不才容我倦萬山如箭送君行南風肅肅歸舟
穩可有音書寄子卿

